

РОССИЯ ФЕДЕРАЦИЯ НИМСЯНЬ
ПРИГОВОР

Сыктывкар

2023 вося öшым тöлысь 14 лун

Коми Республикаын Сыктывкарлөн карса ёрд, көні
веськөдлысь ёрдысьнас вöлі А.В. Родионов,
ёрд заседаниеса секретарьяс К.О. Юшков, Е.П. Леканова дырйи,
көні участвуйтисны: канму нимсянь мыждысьяс Я.Е. Журбенко, А.А. Егоров, А.С.
Соколов,
потерпевшöй О.К. Лаврик,
ёрдö сюрöм В.С. Колупаев,
сйöс дорйись – адвокат Л.В. Коновалов/388 №-а эскöданпас, 229 №-а ордер/,
ёрдö сюрöм А.А. Кетов,
сйöс дорйись – адвокат Е.Л. Осипова/738 №-а эскöданпас, 321 №-а ордер/,
ёрдö сюрöм А.С. Мишарин,
сйöс дорйись – адвокат А.В. Масленников/765 №-а эскöданпас, 005791 №-а ордер/,
вуджöдчысьяс К.А. Макарова, Е.И. Габова, А.А. Паршукова,
восьса ёрд заседание дырйи

Василий Сергеевич Колупаев серти, кодi чужис 1991 вося ода-кора тöлысь 08
лунö Коми ССР-са Сыктывкарын, кодöс пасйöма татшöм инпас серти: Коми
Республика, Сыктывкар, Вермöмлы 65 во улица, 20 керка, 27 патера, кодi олö татшöм
инпас серти: Коми Республика, Сыктывкар, Островский улица, 3 керка, 93 патера, лö
Россия Федерацияса гражданинöн, кодлөн эм уджсикасын шöр тшупöда тöдöмлун,
кодлөн абу гöтыр, кодлөн иждивение вылын эм ичöt арлыда кага – 2011 во 11.25 лунö
чужöм, кодi оз уджав, лö военнообязаннöйöн, кодлөн эмöсь хроническöй висьöмьяс,
вермытöмлуныс абу, кодöс водздзык судитлöмаöсь:

- 2017 вося 10.13 лунö Коми Республикаын Сыктывкарлөн карса ёрд РФ УК 30
ст. 3 ю., 161 ст. 2 ю. «а» п. серти 8 тöлысь кежлö вöля мырддьöм, мыж вештöм бöрын
сйöс мездöма 2017 вося 11.08 лунö СИЗО-1-ысь, мыж вештан учреждениеö эз ыстыны,

- 2019 вося 04.19 лунö Коми Республикаын Сыктывкарлөн карса ёрд РФ УК 30
ст. 3 ю., 158.1 ст. серти 4 тöлысь кежлö вöля мырддьöм, мыж вештöм бöрын сйöс
мездöма 2019 вося 05.17 лунö СИЗО-1-ысь, мыж вештан учреждениеö эз ыстыны,

- 2019 вося 07.01 лунö Коми Республикаын Сыктывкарлөн карса ёрд РФ УК
158.1 ст. (7 мыж вöчöм), 30 ст. 3 ю. 158.1 ст. серти, РФ УК 69 ст. 2 ю. подув вылын 1 во
4 тöлысь кежлö вöля мырддьöм, РФ УК 69 ст. 5 ю. подув вылын 1 во 6 тöлысь кежлö
вöля мырддьöм,

- 2019 вося 09.26 лунö Коми Республикаын Сыктывкарлөн Эжва районса ёрд РФ
УК 160 ст. 2 ю. 30 ст. 3 ю. 158.1 ст. серти, РФ УК 69 ст. 2 ю. подув вылын 2 во 3 тöлысь
кежлö вöля мырддьöм, РФ УК 69 ст. 5 ю. подув вылын 3 во кежлö вöля мырддьöм
öтувья режима мыж вештан учреждениеын мыж вештöмön, мездöма 2021 вося 08.17
лунö Коми Республикаын Княжпогост районса ёрдлөн 2021 вося 08.05 лунся шуöм
подув вылын, ськөд йитöдын, мый вöля мырддьöмön вештытöм мыж юкөнсö вежöма 2
тöлысь 9 лун кежлö вöляын дзескөдöм вылö, мыжсö вештöма 2021 вося 10.15 лунö,

кодöс тайö уголовнöй делö серти видзисны стража улын 2022 вося 10.19
лунсянь 2023 вося 04.17 лунöдз, кодi тайö делö серти вöлі бокö ветлытöм йылысь да
колана ногөн асьсö кутöм йылысь подпискаөн öлöдан мера улын 2023 вося 04.18
лунсянь 2023 вося 08.17 лунöдз, кодöс видзисны стража улын 2023 вося 08.18 лунсянь,
кодöс мыждöны РФ УК 33 ст. 3 ю., 167 ст. 2 ю. урчитöм мыж вöчöмын,

Антон Алексеевич Кетов серти, кодї чужис 1980 вося өшым тöлысь 04 лунö Киров обласьтлön Мурашинскöй районса Безбожник посёлокын, кодöс пасйöма да кодї олö татшöм инпас серти: Коми Республика, Сыктывкар, Томлун улича, 2 керка, 13 патера, кодї лоö Россия Федерацияса гражданинöн, кодлön эм уджсикасын шöр тшупöда тöдöмлун, кодлön абу гöтыр, кодлön абуöсь тыр арлыдтöм челядь да мукöд иждивенеч, кодї уджалö оз официальной, лоö военнообязаннойöн, кодлön эмöсь хронической висьöмьяс, абу вермытöмлуныс, кодлön эм судитлöмаöсь:

- 2015 вося 07.23 лунö Коми Республикаын Сыктывкарлön Эжва районса ёрдлön приговорön РФ УК 228 ст. 2 ю. серти 4 во кезлö вöля мырддьöм, мездöма 2019 вося 04.26 лунö мыж вештöм бöрын,

- 2022 во 01.25 лунö Коми Республикаын Сыктывкарлön Эжва районса ёрдлön приговорön РФ УК 167 ст. 2 ю., 314.1 ст. 2 ю. серти, РФ УК 69 ст. 2 ю. подув вылын 7 тöлысь кезлö вöля мырддьöм,

- 2022 во 05.16 лунö Коми Республикаын Сыктывкарлön карса ёрдлön приговорön РФ УК 30 ст. 3 ю., 158.1 ст. серти 3 тöлысь кезлö вöля мырддьöм, РФ УК 69 ст. 5 ю. подув вылын 8 тöлысь кезлö вöля мырддьöм, мездöма 2022 вося 09.29 лунö мыж вештöм бöрын,

кодöс тайö уголовной делö серти видзисны стража улын 2022 вося 10.18 лунсянь 2023 вося 04.17 лунöдз, кодї тайö уголовной делö серти вöли бокö ветлытöм йылысь да колана ногөн асьсö кутöм йылысь подпискаön öлöдан мера улын 2023 вося 04.18 лунсянь 2023 вося 09.11 лунöдз, кодöс видзисны стража улын 2023 вося 09.12 лунсянь,

кодöс мыждöны РФ УК 167 ст. 2 ю. урчитöм мыж вöчöмын,

Артем Сергеевич Мишарин серти, кодї чужис 1986 вося рака тöлысь 06 лунö Коми Республикаса Сыктывкарын, кодöс пасйöма да кодї олö татшöм инпас серти: Коми Республика, Сыктывкар, Космонавт улича, 8 керка, 24 патера, кодї лоö Россия Федерацияса гражданинöн, кодлön эм шöр тшупöда öтув тöдöмлун, кодлön абу гöтыр, кодлön абуöсь тыр арлыдтöм челядь да мукöд иждивенеч, кодї уджалö оз официальной, лоö военнообязаннойöн, кодлön эмöсь хронической висьöмьяс, вермытöмлуныс абу, судимосьтыс абу,

кодöс тайö уголовной делö серти видзисны стража улын 2022 вося 10.18 лунсянь 2023 вося 04.17 лунöдз, кодї тайö уголовной делö серти вöли бокö ветлытöм йылысь да колана ногөн асьсö кутöм йылысь подпискаön öлöдан мера улын 2023 вося 04.18 лунсянь 2023 вося 08.15 лунöдз, кодöс видзисны стража улын 2023 вося 08.16 лунсянь,

кодöс мыждöны РФ УК 167 ст. 2 ю. урчитöм мыж вöчöмын,

уголовной делöлысь материалъяссö ёрдлön восьса заседание дырйи видлалöм бöрын

урчитіс:

В.С. Колупаев котыртіс йöзлысь эмбур тöдöмön сотöмön тшыкöдöм, да тайö вöчöмтор вöсна артмис тöдчана ущерб.

А.А. Кетов да А.С. Мишарин вöчисны йöзлысь эмбур тöдöмön сотöмön тшыкöдöм, да тайö вöчöмтор вöсна артмис тöдчана ущерб.

В.С. Колупаев, А.А. Кетов да А.С. Мишарин вöчисны мыжсö татшöм лоöмторьяс дырйи.

2022 вося 10.16 лунö 10 час 23 минутсянь 2022 вося 10.17 лунся 06 час 59 минутöдз кадколастö, стöч кадсö урчитны позянлуныс абу вöлöма, урчиттöм морт, Россия Федерацияын урчиттöм инын «Öтуввез» юöртан да телекоммуникация вез, «Telegram» мессенджер да «SUPER CHOICE» условной ним отсöгөн, мыйöн вöдитчöны «BRICKLEBERRY» наркотик средствояс вузалан öтуввез-вузасянінлön интересьясын,

йöзлысь эмбур төдöмөн тшыкöдны мыж вöчан мөвпөн, А.П. Вокуевöс повзьöдöм могысь, кодi вöчис «закладчиклысь» могыяс «BRICKLEBERRY» наркотик средствояс вузалан öтуввез-вузасыннын, кодлысь наркотик средствояс оланпас торкалöмөн вузалöм серти оланпас торкалан уджсö дугöдöмабсь Коми Республикаын Россияса ФБСВ уджалысьяс, да код йылысь урчиттöм морт, кодi вöдитчис «Telegram» мессенджерын «SUPER CHOICE» условной нимөн, чайтис, мый сийö гуис наркотик средствосö, кутшöмöс сылы сетöма урчиттöм йöзлы оланпас торкалöмөн вузалöм могысь, вöзйис В.С. Колупаевлы мынтысьöм вылö сотны патераö пыран öдзöссö, мый меститчö татшöм инпас серти: Коми Республика, Сыктывкар, Морозов ул. 45 к. 69 патера, мый лоö О.К. Лавриклөн, а сiдзжö кöни олö А.П. Вокуев.

Мы бöрын В.С. Колупаевлөн чужис мөвп сотöмөн тшыкöдны О.К. Лавриклысь вылынджык индöм эмбурсö.

Та бöрын В.С. Колупаев, кодi вöли татшöм инпас серти: Коми Республика, Сыктывкар, Томлун ул., 2 к., 13 патера, мөвпыштöмторсö збыльмöдöм могысь вöзйис код юра А.С. Мишаринлы да А.А. Кетовлы материальной ошкöм босьтöм могысь öтвылысь сотны пыран öдзöссö да öдзöс дорсö 69 патераын, мый меститчö Коми Республикаын Сыктывкарлөн Морозов улица кузя 45 керкаын, мый вылö А.С. Мишарин да А.А. Кетов кöсйысисны, татшöм ногөн В.С. Колупаев аддзис мыж вöчны отсалысьясöс, кодьяскöд водзвыв сёрнитчис мыж вöчöм йылысь, мый веськöдöма йöзлысь эмбур төдöмөн сотöм вылö.

Сы могысь, медым збыльмöдны öтувья мыж вöчан мөвпсö, мый веськöдöма йöзлысь эмбурсö төдöмөн сотöм вылö, Колупаев В.С. корис урчиттöм мортлысь, кодi вöдитчис «Telegram» мессенджерын «SUPER CHOICE» условной нимөн, ыстыны видеозапись, кöни тыдалö, кызди сотöны, да босьтис сысянь видеозапись, кöни сотöны урчиттöм патера öдзöс, а сiдзжö А.П. Вокуевлөн паспорт лист боклысь фотография, кытчö индöма пасьян инпассö, а стöчджыка кö: Коми Республика, Сыктывкар, Морозов ул., 45 к., 69 патера.

Индöм видеозаписьсö да фотографиясö В.С. Колупаев петкöдлис А.С. Мишаринлы да А.А. Кетовлы, да сэсся, 2022 вося 10.16 лунö 10 час 23 минутсянь 2022 вося 10.17 лунö 06 час 59 минутöдз кадколастö В.С. Колупаев, А.С. Мишарин да А.А. Кетов мөвпыштисны, мый колö ньöбны автомашина бензин, мый колö кисьтны Коми Республика, Сыктывкар, Морозов ул., 45 керкаын меститчысь 69 патералөн пыран öдзöс вылö да öдзöс дорö, та бöрын колö öзтыны автомашина бензинсö, медым сийö öзяс, татшöм ногөн В.С. Колупаев, А.С. Мишарин да А.А. Кетов збыльмöдасны öтувья мыж вöчан мөвпсö, мый веськöдöма котырөн, кодöс котыртис В.С. Колупаев, водзвыв сёрнитчöмөн сотöмөн йöзлысь эмбур төдöмөн тшыкöдöм вылö, лоö помöдз вайöдöма.

Сiдзжö, В.С. Колупаев, А.С. Мишарин да А.А. Кетов мөвпыштисны, мый колö фиксируйтны видео вылö сотöмсö, медым петкöдлыны видеозаписьсö вознаграждение босьтöм могысь урчиттöм мортлы отчет вöчöм вылö, кодi вöдитчö «Telegram» мессенджерын «SUPER CHOICE» условной нимөн.

Сэсся, А.С. Мишарин да А.А. Кетов индöм кадколастö В.С. Колупаевкöд водзвыв сёрнитчöмөн котырөн, В.С. Колупаевөн котыртöм котырөн водзвыв сёрнитчöмөн йöзлысь эмбурсö сотöмөн тшыкöдны öтувья мөвпсö збыльмöдигөн мыж вöчöмсö збыльмöдöм вылö автомашина бензин ньöбöм могысь, М.И. Кирилловкöд öтвылысь, кодi эз төд В.С. Колупаевлөн, А.С. Мишаринлөн да А.А. Кетовлөн мыж вöчан мөвпьяс йылысь, P 516 CE 11 дiнму канмусянь пасьян паса «FIAT Linea» автомашинаөн, мыйөн веськöдлис Д.В. Каракчиев, кодi эз төд В.С. Колупаевлөн, А.С. Мишаринлөн, А.А. Кетовлөн мыж вöчан мөвпьяс йылысь, мунисны «Компания 2000» ИКК автозаправочной станцияö, мый меститчö татшöм инпас серти: Коми Республика, Сыктывкар, Бумажник шöртуй, 70 к., кöни А.А. Кетов М.И. Кирилловөн, кодi эз төд В.С. Колупаевлөн, А.С. Мишаринлөн да А.А. Кетовлөн мыж вöчан мөвпьяс йылысь, сетöм сьöм вылö ньöбис автомашина бензин, татшöм ногөн, босьтис мыж вöчан öрудие.

Босьтөм автомашина бензинсö А.С. Мишарин кисьтис полимернöй материалысь 1,5 литра йöрыша сулеяö, мый сылөн вöли аскöдысь, да видзис сийöс ас дорас мыж вöчöм могысь.

Водзö, А.С. Мишарин да А.А. Кетов М.И. Кирилловкöд öтвылысь, кодi эз тöд В.С. Колупаевлөн, А.С. Мишаринлөн да А.А. Кетовлөн мыж вöчан мөвпгяс йылысь, Р 516 СЕ 11 дiнму канмусянь пасгян паса «FIAT Linea» автомашинаөн, мыйөн веськöдлис Д.В. Каракчиев, кодi эз тöд В.С. Колупаевлөн, А.С. Мишаринлөн да А.А. Кетовлөн мыж вöчан мөвпгяс йылысь, локтисны татшöм инпас серти: Коми Республика, Морозов ул., 51 к.

Та бöрын, сэнi жö, М.И. Кириллов, кодi эз тöд В.С. Колупаевлөн, А.С. Мишаринлөн да А.А. Кетовлөн мыж вöчан мөвпгяс йылысь, сетис А.С. Мишаринлы, сылөн корöм серти, М.И. Кирилловлысь туялигөн урчиттöм мобильнöй телефон.

Та бöрын, А.С. Мишарин сы могысь, медым збыльмöдны В.С. Колупаевкöд да А.А. Кетовкöд öтвылысь водзвыв сёрнитчöмөн котырөн, кодöс котыртис В.С. Колупаев, йöзлысь эмбурсö сотöмөн тшыкöдны мыж вöчан öтувгя мөвпсö, ачыс мунис керка дорö, мый меститчö татшöм инпас серти: Коми Республика, Сыктывкар, Морозов ул., 45 к.

Водзö, А.С. Мишарин сы могысь, медым збыльмöдны В.С. Колупаевкöд да А.А. Кетовкöд öтвылысь водзвыв сёрнитчöмөн котырөн, кодöс котыртис В.С. Колупаев, йöзлысь эмбурсö сотöмөн тшыкöдны öтувгя мөвпсö, керка дорын, мый меститчö татшöм инпас серти: Коми Республика, Сыктывкар, Морозов ул., 45 к., эз вермы пырны 5 №-а подъездö, кöни меститчö 69 №-а патера, кутшöмöс водзвыв сёрнитчöмөн котырөн сотöмөн тöдöмөн тшыкöдöмөн вöли веськöдöма В.С. Колупаевлөн, А.С. Мишаринлөн да А.А. Кетовлөн мыж вöчан мөвпысь, А.А. Кетовкöд телефонөн сёрнитигөн корис бöргясö отсавны пырны подъездö, мый вылö А.А. Кетов кöсйысис, да локтис А.С. Мишарин дорö.

Водзö, А.А. Кетов, медым пырны 5 №-а подъездö домофон отсöгөн, мый пунктöма подъездö пыранинö, звöнитис 61 №-а патераö да корис С.И. Попугаевöс, кодi эз тöд В.С. Колупаевлөн, А.С. Мишаринлөн да А.А. Кетовлөн мыж вöчан мөвпгяс йылысь, лэдзны найöс подъездö, мый вылö С.И. Попугаев кöсйысис да индöм керкалөн 5 №-а подъездö пыран öдзöссö игналан электромагнитнöй устройство дистанционнöя разблокируйтöмөн восьтис öдзöссö да лэдзис найöс подъездö.

Водзö, А.С. Мишарин да А.А. Кетов, индöм кадколастö, 5 №-а подъездлөн коймöд судтаын лестничнöй площадка вылын патера дорын, мый меститчö татшöм инпас серти: Коми Республика, Сыктывкар, Морозов ул., 45 к., 69 патера; водзö збыльмöдисны В.С. Колупаевкöд öтувгя мыж вöчан мөвпсö, мый вылö А.С. Мишаринлы, полимернöй материалысь 1,5 литра йöрыша сулеяын автомашина бензин отсöгөн колö кисьтны вылынджык индöм патераö пыран öдзöссö да öдзöс дорсö автомашина бензинөн да öзгыны сийöс, та дырйи А.А. Кетовлы, туялигөн урчиттöм телефон отсöгөн, мый вöли М.И. Кирилловлөн, кодi эз тöд В.С. Колупаевлөн, А.С. Мишаринлөн да А.А. Кетовлөн мыж вöчан мөвпгяс йылысь, колö видео вылö фиксируйтны вылынджык индöм патераö пыран öдзöс да öдзöс дор сотöмсö, медым сэсся петкöдлыны видеозаписьсö, мый эскöдö, мый В.С. Колупаевөн котыртöм мыж вöчöмсö збыльмöдöма, медым кöсйысьöм вознаграждение босьтöм могысь вöчны отчёт урчиттöм мортлы, кодi вöдитчö «Telegram» мессенджерын «SUPER CHOICE» условнöй нимөн, а сiдзжö видзöдны гөгöрбок, татшöм ногөн А.А. Кетов водзö участвуйтис В.С. Колупаевөн котыртöм йöзлысь эмбурсö тöдöмөн сотöм вылö веськöдöм мыж вöчöм йылысь сёрнитчöмын, В.С. Колупаевөн котыртöм мыж вöчöмысь вознаграждение гарантируйтöмөн босьтан условиесö могмöдны кöсйысьöмөн да босьтис А.С. Мишаринсянь, туялигөн урчиттöм мобильнöй телефонсö, мый вöли сы дорын, мый вöли М.И. Кирилловлөн, кодi эз тöд В.С. Колупаевлөн, А.С. Мишаринлөн да А.А. Кетовлөн мыж вöчан мөвпгяс йылысь.

Водзö, А.С. Мишарин, мөвпыштöмторсö збыльмөдигөн, сэк, кор сийö вöли 5 №-а подъездлөн коймөд судтаын лестничной площадка вылын патера дорын, мый меститчö татшöм инпас серти: Коми Республика, Сыктывкар, Морозов ул., 45 к., 69 патера, А.А. Кетовкөд сёрнитчöмөн на костын мыж вöчан уджъяссö юклöм серти киськалис вылынджык индöм патераö пыран öдзöссö да öдзöс дорсö автомашина бензинөн, кутшöмöс А.С. Мишарин öзтис, мый вöсна öзйис вылынджык индöм патераö пыран öдзöсыс да öдзöс дорыс. Тайö кадö А.А. Кетов, А.С. Мишаринкөд сёрнитчöмөн на костын мыж вöчан уджъяссö юклöм серти фиксируйтис видео вылö вылынджык индöм патераö пыран öдзöс да öдзöс дор сötöмсö да видзöдис гөгöрбок.

Водзö, А.С. Мишарин да А.А. Кетов, В.С. Колупаевкөд öтувъя мыж вöчан мөвпсö збыльмөдöм бöрын, мый веськөдöма водзвыв сёрнитчöмөн котырөн, кодöс котыртис В.С. Колупаев, йöзлысь эмбурсö сötöмөн тшыкөдöм вылö, öтлаын сёрнитчöмөн пышйисны мыж вöчанинысь, сэсся сетисны В.С. Колупаевлы А.А. Кетовөн вöчöм видеозаписьсö, мый эскөдö, мый В.С. Колупаевөн котыртöм мыж вöчöмсö збыльмөдöма, кодi нин сэсся сетис индöм видеозаписьсö материальной вознаграждение босьтöм могысь вöчны отчёт урчиттöм мортлы, кодi вöдитчö «Telegram» мессенджерын «SUPER CHOICE» условной нимөн.

В.С. Колупаев, А.С. Мишарин да А.А. Кетов индöм вöчöмторъясөн тшыкөдисны О.К. Лавриклысь эмбурсö, мый петкөдчö сыын, мый тшындöма патераö пыран öдзöслөн ортысла бокыс, сотчышталöма öдзöс дорыс да патерлөн коридорын шпалерыс, мый меститчö татшöм инпас серти: Коми Республика, Сыктывкар, Морозов ул., 45 к., 69 патера, татшöм ногөн В.С. Колупаев, А.С. Мишарин да А.А. Кетов водзвыв сёрнитчöмөн котырөн öтув вöчисны О.К. Лавриклы 18 900 сюрс шайт вылö ыджыд ущерб.

Ёрдö сюрöм **В.С. Колупаев** индöм мыж вöчöмын асьсö мыжаөн эз лыдды, гөгöрвоөдис, мый 2022 вося көч тöлысь шöрсянь йирым тöлысь шöрөдз кутис гижасьны «Телеграм» мессенджерын «Super Choice» кураторкөд, кодi вöзйис Колупаевлы вöчны удж. Индöм кадколастö Колупаев олис съёмной патераын М.И. Кирилловкөд öтлаын, кодi тöдис «Super Choice» вöзйöм йылысь. Таысь кындзи, Кириллов вермис вöдитчыны «Телеграм» мессенджерын Колупаевлөн аккаунтөн да та вöсна сийö вермис гижасьны «Super Choice». Та вöсна, кор 2022 вося йирым тöлысь 15 лунö Колупаев аддзис, мый «Телеграм» мессенджерын вошис торъя юөр, дзик пыр мөвпыштис Кириллов вылö. 2022 вося йирым тöлысь 16 лунö Колупаев гөститис А.А. Кетов дорын, кодi юөртис, мый локтасы Кириллов да А.С. Мишарин, медым юны водка, мый вылö Колупаев юөртис, мый алкоголь юны оз кут. 21-22 часьясö локтис Мишарин, а сиджö Кириллов, кодi юөртис Колупаевлы, мый эз вöдитчы «телеграммын» сылөн аккаунтөн сы вöсна, мый сылөн телефоныс вöли «Титан» комиссионной магазинын. Та бöрын Кириллов корис Колупаевöс тöдмавны «Super Choice», эм-ö удж, мый вылö Колупаев көсийсыс да юалис та йылысь. «Super Choice» юөртис, мый колö öзтыны мыйкө, мыйысь Колупаев öткажитчис да петис «телеграммын» аслас аккаунтысь, мый йылысь юөртис Кирилловлы, кодi шуис, мый дась вöчны тайö уджсö да снимитас кураторлы постановочной видео. Колупаев эз сувт паныд да сетис Кирилловлы асьыс сим-картасö. Кутшöмкө кад мысти Кириллов юөртис, мый найö Мишаринкөд вöчасны тайö уджсö. Колупаев пунктис Кетовлөн телефонö асьыс сим-картасö да пырис «телеграммын» аслас аккаунтö. Колупаев юөртис, мый оз көйи пырöдчыны öзтöмö, но Кириллов корис Колупаевöс неуна гижасьыштны кураторкөд. Колупаев кутис гижасьны, кыпöдны öзтöмысь донсö, подулалис, мый керкаыс олан. «Super Choice» куратор вöзйис налы не босьтчыны уджö, но Кириллов корис юөртны, мый дась вöчны уджсö. Сэсся корис кураторöс ыстыны öдзöс öзтöмлысь видлөг вылö видео. Видеосö видзöдöм бöрын Колупаев юөртис Кирилловлы, медым найö тадз эз вöчны, öд вермас лоны неминуча. Сэк Мишарин вöзйис соравны бензинсö ваён, медым öзтöмыс эз вайöд неминучаөдз. Кураторкөд

гижасигөн Колупаев сетис телефонсö Кирилловлы, кодi петкöдлiс Мишаринлы гижасьöмсö да видеосö, кöни петкöдлöма, кызди колö öзтыны, а сiдзжö патералысь инпассö, кутшöмлысь öдзöссö колö öзтыны. Куратор юöртiс, мый постановочнöй видеосö вöчöм былö колö, медым öзтысьыс вöли вежöм паськöма да сийö тыдалiс видеоын. Мишарин юöртiс, мый сы дорын эм кöлуй. Кириллов босьтiс асьыс телефонсö Кетовлысь, а Колупаев бөр сетис Кетовлы сылысь телефонсö, та бöрын Колупаев пырис «телеграмын» аккаунтö аслас телефонсянныс да гижис кураторлы, медым сийö эз виччысь видеосö талун. Сэсся Кириллов, Кетов да Мишарин мунiсны корсьны такси. Колупаев кольччис гортас, но кывлiс, кызди Кириллов вöзйис таксистлы мынтысьны сёян-юанöн, мый былö таксистыс кöсйысис. Та бöрын найö пуксисны автомашинаö, а Кириллов пуксис воддза пассажирскöй пуклöс былö. Кутшöмкö кад мысти звöнитiс Кетов, юöртiс, мый ыстасны сулеяа фотография, кутшöмöс колö водзö ыстыны, мыйысь Колупаев öткажитчис. Сэсся звöнитiс Мишарин, юöртiс, мый оз вермы пырны подъездö. Колупаев шуис Мишаринлы, медым нинöм эз вöчны да мунiсны сэтысь. Куим минут мысти звöнитiс Кетов, юöртiс, мый мунö Мишарин дорö. Колупаев шуис Кетовлы, медым найö нинöм эз вöчны да мунiсны сэтысь. 15-30 минут мысти найö звöнитiсны Колупаевлы, юöртiсны мый снимитiсны видео, кутшöмöс дзик пыр сылы ыстiсны. Воём борын Кетов да Мишарин юöртiсны, мый ставыс колис бура, нинöм эз торксьы. Колупаев ыстiс öзтöм йылысь видеосö «Super Choice» кураторлы, а сэсся Кирилловкöд мунiс куим грамм наркотикла, кутшöмöс Колупаев аддзис, но шыбитiс ваö да некодлы эз сет. Сёрöнджык, лöмторьяс бöрын, Кириллов юöртiс Колупаевлы, мый сийö корис Кетовöс да Мишаринöс öзтынысö. Колупаев гижасис «Super Choice» кураторкöд «давай, погнали» юөрöдз, а сэсся гижасис Кириллов.

РФ УПК 276 ст. 1 ю. 1 п. подув вылын йöзöдöма В.С. Колупаевлысь показаниеяссö, кутшöмьясöс сетöма предварительнöя туялiгөн, кутшöмьяс эмöсь 1 т. 144-148, 151-153 д.л., 2 т. 139-141, 146-149, 177-180, 196-201 д.л., 3 т. 94-96 д.л.

В.С. Колупаевлөн показаниеясысь, кутшöмьясöс делö серти ёрдöдз производство дырйи 2022 во 10.20 лунö сетöма **мыжаён чайтöм** статусын да йöзöдöма ёрдлөн заседание дырйи, тыдалö, мый 2022 вося 10.16 лун да 2022 вося 10.17 лун костын войнас Колупаев А.С. Мишаринкöд, М.И. Кирилловкöд да А.А. Кетовкöд юисны спирта юанторьяс бөръяыслөн гортас. Колупаевлы воис «телеграм» мессенджерын наркотикьяс паськöдан группаын юөр сы йылысь, мый колö повзёдны öти мортöс, кодi ылöдлiс наркотикьяс вузалан öтуввез-вузасянiнсö, а стöчджыка кö, киськавны сылөн патералысь пыран öдзöссö да сотны сийöс татшöм инпас серти: Сыктывкар, Морозов ул., 45 к., 69 патера. Удж вöчöмысь кöсйысисны сетны куим грамм наркотик. Колупаевкöд став орччөн пукалысьыс вöлины сöгласöсь тайö вöзйöмкöд да юклiсны могьяссö. Мишаринлы колö вöли öтнаслы сотны öдзöссö да снимайтны видео, но сэсся шуисны, мый Кетов кутас снимайтны Мишаринлысь вöчöмторьяссö видео былö. Колупаев вöзйис ставныслы öткажитчыны тайö мövпысь, но ставөн шуисны, мый вöчасны тайöс, а Колупаевлы ковмас ыстыны видеосö öтуввез-вузасянiнö. Сёрнитчисны, мый бензинсö джынвийö сораласны ваён, медым некодлы не вöчны лёктор, а видеозаписьыс вöли постановочнöй. Колупаевлөн телефоныс пуксис, да сийö пунктiс асьыс сим-картасö Кетовлы телефонас. Та бöрын Колупаев юöртiс кураторлы, мый вöчас заданиесö да ыстас видеозаписьсö. Сэсся Кетов аслас телефонсянныс петiс Колупаевлөн аккаунтсьыс. Та бöрын Кетов, Мишарин да Кириллов мунiсны збыльмöдны заданиесö. Матö 30-40 минут мысти звöнитiс Кетов, юöртiс, мый мыйкö оз артмы. Колупаев шуис, сiдзкö нинöм эн вöчöй, но Кетов дугöдiс сёрнисö. 20-30 минут мысти Колупаевлы телефон вылас воис видео, кöни Мишарин öзтiс öдзöссö. Колупаев гөгөрвоис, мый найö эз сорлавын бензинсö ваён, сы вöсна мый ёна ыпнитiс. 30 минут

мысти Кетов, Мишарин да Кириллов локтисны бөр, а Колупаев ыстис видеосё наркотикъяс нёбан вузасянинё, кодi ыстис тайник-закладкаа да координатаяса инпассё Вөрзавод местаысь. Сэсся Колупаев да Кириллов мунисны корсьны наркотиксё, но эз адззыны, адззисны сёмын кодйём упаковкаа закладкасё, мый Колупаев шыбитис юё. Сэсся Кирилловкөд бөр мунисны Эжаво. Водзджык Колупаев дурмөдчис наркотикъясөн, закажитлис найёс отуввезйын наркотикъяс вузалан вузасянин пыр да водзджык сийё збыльмөдлис отуввез-вузасянинлысь заданиеяссё, но сёмын постановочной видеозапись вөчөм могысь, збыльвывса ущерб либё дзоньвидзалунлы лектор сийё эз вөчлы. Лыддьё асьсё мыжаён вузасянин да Кетов, Мишарин да Кириллов костын йитөд артмөдөмын, а буретш сыын, мый висьталис налы сы йылысь, мый эм удж, мый серти колё вөлі сотны өдзёс Морозов ул., 45 к., 69 патера инпас серти, мыйысь көсийсисны наркотик (1 т., 144-148 д.л.).

В.С. Колупаевлөн показаниеясысь, кутшөмъясёс делё серти ёрдөдз производство дырйи 2022 во 10.20 лунё сетөма **мыждөм** статусын да йёзөдөма ёрдлөн заседание дырйи, тыдалё, мый сийё кутчысьё водзынджык сетлөм показаниеясё. Лыддьё асьсё мыжаён отуввез-вузасянин да Кетов, Мишарин да Кириллов костын йитөд артмөдөмын, а буретш сыын, мый висьталис налы сы йылысь, мый эм удж, мый серти колё вөлі сотны өдзёс Морозов ул., 45 к., 69 патера инпас серти, мыйысь көсийсисны наркотик (1 т., 151-153 д.л.).

В.С. Колупаевлөн показаниеясысь, кутшөмъясёс делё серти ёрдөдз производство дырйи 2023 во 02.02 лунё, 2023 во 02.05 лунё, 2023 во 02.09 лунё, 2023 во 02.16 лунё, 2023.03.04 лунё сетөма **мыждөм** статусын да йёзөдөма ёрдлөн заседание дырйи, тыдалё, мый 2022 вося көч төлысь помын да 2022 вося йирым төлысь заводитчигөн Колупаев, А.А. Кетов да М.И. Кириллов отув уджалисны наркотикъяс вузалан отуввез-вузасянинкөд «спортикъяс» инөд серти, налөн могыс – мыждыны отуввез-вузасянинса операторлөн индөдъяс серти йёзёс, кодъяс уджалёны вузасянинкөд да кодъяс гусялисны наркотикъясёс. Операторыс ачыс индiс мыждөмсё быдөнлы торйөн. Тайё вермис лоны мортёс нөйтөм ли сийёс омөльтөм, быть видеосъёмкаөн оператор водзын отчитайтчөмөн. Вөчөм уджысь операторыс сетлис вознаграждение, но эз сьомөн. Стөч мортёс мыждөм вылө заказ босьтигөн Колупаев Кетовкөд да Кирилловкөд адззисны тайё мортсё, водзвыв висьталисны сы йылысь, мый операторыс сийёс көсийё мыждыны, да сёрнитчисны, мый снимайтёны постановочной видео, көні сёмын вид вылас петкөдлөма нөйтөмсё да омөльтөмсё. Татшөмсяма видеосё найё ыстылисны операторлы, кодi шуалис претензияс, мый вывтi небыда мыждөны йёзсё. 2022 вося 10.16 лун да 2022 вося 10.17 лун костын войнас Колупаев, Кириллов, Мишарин да Кетов пукалисны бөръяыслөн гортас. Кириллов корис юавны операторлысь, эм-ө кутшөмкө удж. Кирилловлөн корөм серти Колупаев кутiс гижасьны операторкөд, кодi юөртiс, мый колё повзёдны өти мортёс мыйкө өзтөмөн. Колупаев дзик пыр өткажитчис өзтөмысь, но Кириллов босьтчөдiс сийёс босьтчыны уджө, эскөдiс, мый ставсё вөчас ачыс. Та бөрын Колупаев кутiс гижасьны операторкөд, кодi сетiс сылы инструкцияс. Кириллов сёрнитчөдiс Мишаринёс отсавны сылы постановочной сотөмөн. Колупаев эз төд, мый Мишарин кисьтас соравтөм бензинсё, көть и сёрнитчылисны, мый бензинсё колё сораवны ваөн. Öзтынысё Колупаев эз көсийысь, сийё чайтiс, мый тайё лоас постановочной видео, лектор оз ло (2 т. 139-141, 146-149, 177-180, 196-201 д.л., 3 т. 94-96 д.л.).

Показаниеяссё йёзөдөм бөрын **В.С. Колупаев** найёс эскөдiс юкөнын, сулалiс ёрдын сыөн сетөм показаниеяс дор, гөгөрвоөдiс, мый 2022 вося 10.20 лунё мыжаён чайтөм да мыждөм статусын показаниеяссё збыльвылас сетiс адвокаттөг, кодi матыстчис допросьяс помланьыс. Колупаев төдмасис допросьяслөн тайё

сёрнигижодьясөн да найос гижом серти пасйогъяс эз сет. «Опаснө» вежортассө Колупаев гөгөрвоо оз кызди вөчөмтор, мый урчитома РФ УК, а вөчөмтор, мый урчитома РФ КоАП, оз сідз, кызди гөгөрвооны мыждысыяс. Постановочной видео улын гөгөрвоо вөчөмторьяс мода вылө вөчөм либө вөчтөмторьяс, мый вөсна лекторйыс оз ло.

Ёрдө сюрөм **А.А. Кетов** индөм мыж вөчөмын асьсө мыжаөн лыддьө мыйкө мында, гөгөрвоодө, мый 2022 во 10.16 лунся рытө А.С. Мишарин, В.С. Колупаев да М.И. Кириллов гөститисны Кетов дорын, коді ворсіс телефонөн наушникөн да нинөм эз кывлы. Кутшөмкө здукө Кетовлысь корисны телефонсө, медым пырны «телеграм» мессенджерын Колупаевлөн аккаунтө сы вөсна, мый Колупаевлөн телефоныс пуксис. Кетов сетіс асьсыс телефонсө да индөм йөзлөн сёрниысь гөгөрвоис, мый налы вөзйисны мыйкө озтыны, мый вылө Кетов юөртіс, мый татшөмторйө оз пырөдчы. 10 минут мысти Кетовлы бөр сетісны телефонсө да сійө водзө кутіс ворсны телефонын ворсөмьясөн. Сэсся Мишарин муніс вежсьыны, а Кетов да Кириллов мунісны вузасянінө, медым пуктыны Кирилловлысь сьөмсө «1 xBET»-ын Колупаевлөн аккаунт вылө. Кириллов да Мишарин мөдөдчисны мунны кыкөн, но сы вөсна, мый Мишаринлы колө вөлі ньөбны бензин, а сьөмыс вөлі сөмын «Qіwі кошелек» вылын да коліс мынтысьөм вылө карта, Кетов вөзйысис ветлыны накөд, өд сійө верми мынтысьны бесконтактнөя телефон отсөгөн. Та дырйи водзвыв висьталіс, мый нинөм вөчны оз кут, а сөмын мынтысяс. Водзө Кетов муніс Мишаринкөд да Кирилловкөд, мынтысис бензинысь да воис индөм инпас серти. Мишарин муніс кутшөмкө керкаө, медым вежсьыны да соровны бензинсө. Кор Мишарин бор локтіс, Кетов корис таксист Сулеймановөс да кутіс Кирилловкөд виччысьны такси. Мишарин муніс озтыны өдзөс да видео вылө снимайтөм могысь босьтіс аскөдыс Кирилловлысь телефонсө. Сэсся Мишарин телефон пыр юөртіс, мый оз верми веськавны подъездө да корис Кетовөс отсавны. Сы вөсна, мый Кириллов вөлі зэв код да пукаліс нин таксиын, Кетов муніс Мишарин дорө. Тайө здукө звөнитіс Колупаев да шуис, медым найө нинөм эз вөчны да Мишаринкөд тшөтш мунісны. Кетов шуис тайөс Мишаринлы, коді вочавидзыс, мый нуөдас заводитөмсө помөдз. Кетов казьяліс, мый өти патераын өзйис би да налы востісны подъездө өдзөссө домофон пыр. Мишарин корис Кетовөс отсавны снимайтны өзтөмсө видео вылө, мый Кетов и вөчис, та бөрын найө пышйисны лоөмтор инысь да таксист Сулеймановкөд бөр мунісны Кетов керкаөдз, коді мыжа сөмын сыын, мый көсйысис пырны подъездө да снимайтны вөчөмторсө видео вылө. Потерпевшөй О. Лавриклысь иск корөмьяскөд сөглас. Колупаев эз мун сы вөсна, мый эз көсйи участвуйтны өзтөмын. Кириллов пукаліс воддза пуклөс вылын. Бензин ньөбөм могысь Кириллов ыстіс Кетовлы аслас «Qіwі кошелек» сьөм.

РФ УПК 276 ст. 1 ю. 1 п. подув вылын йөзөдөма А.А. Кетовлысь показаниеяссө, кутшөмьясөс сетөма предварительнөя туялігөн, кутшөмьяс эмөсь 1 т. 90, 100-103, 106-108, 136-138 д.л., 2 т. 177-180 д.л., 3 т. 23-24 д.л., 4 т. 106 д.л.

А.А. Кетовлөн асьсө мыжаөн лыддьөм йылысь 2022 во 10.18 лунся сёрнигижөд, мый серти бөрьяыс юөртіс сы йылысь, мый А.С. Мишарин шуис озтыны өдзөссө да корис Кетовөс снимайтны вөчөмторсө видео вылө, мый сійө и вөчис (1 т. 90 д.л.).

А.А. Кетовлөн показаниеясысь, кутшөмьясөс делө серти ёрдөдз производство дырйи 2022 во 10.18 луно сетөма **мыжаөн чайтөм** статусын да йөзөдөма ёрдлөн заседание дырйи, тыдалө, мый В.С. Колупаевлы воис наркотикьяс вузалан өтуввез-вузасянінсянь өти мортлы, коді ылөдліс тайө вузасянінсө, өдзөс өзтөм йылысь вөзйөм. Колупаев босьтчис сёрнитчыны А.С. Мишаринкөд да Кирилловкөд куйм грамм наркотикысь өзтөм йылысь. Кетов сэтчө эз пырөдчы. Мишарин шуис, мый ставсө вөчас ачыс да дасьтіс көлуй. Кетов заправка вылысь ньөбис 2 литра бензин Кирилловлөн

сыом ыло, мый сийо вуджодис. Ньобисны кык литра бензин. Места ыло воом борын Мишарин вежсис да босьтис Кирилловлысь телефонсо озтот снимайтотмогысь, медым сыысь мынтысисны. Сэсса Мишарин юортис, мый сийо оз вермы веськавны подъездо да Кетов сылы отсалис, звонитис домофоно да корис восьтыны одзоссо, ыстысис, мый вунодис ключсо. Подъездын Мишарин сетис Кетовлы телефон да корис снимайтны видео, та борын Мишарин кисталис одзоссо бензинон да озтис, а Кетов ставсо снимайтис видео ыло. Кетов гогорвоис, мый вермас сотчыны патераыс, но кутис лача, мый квартираын некод эз абу да некодлы оз ло вочома лектор. Косйисны сомын повзодны. Чайто, мый Мишарин видзис вывти уна бензинсо да весиг косйис сийос дугодны. Озтот борын найо корисны таксист Сулеймановос, коди нуодис Кетов керкаодз. Мунигон Кириллов ыстис озтот йылысь видеосо Колупаевлы, коди виччысис, а эсса мунис. Кетов лыддьо асьсо мыжаон сомын озтомын отсасьомын (1 т., 100-103 д.л.).

А.А. Кетовлон показаниеясысь, кутшомьясос дело серти ердодз производство дырйи 2022 во 10.18 луню, 2023 во 02.16 луню сетома **мыждом** статусын да йозодома ердлон заседание дырйи, тыдало, мый лыддьо асьсо мыжаон мыйко мында, од сийо эз отсась А.С. Мишаринлы озтыны одзоссо да сомын снимайтис вочомторсо камера ыло. Эскодо водзынджык сетом показаниеяссю (1 т., 106-108 д.л., 3 т., 23-24 д.л.).

А.А. Кетовлон показаниеясысь, кутшомьясос дело серти ердодз производство дырйи 2023 во 02.01 луню, 2023 во 02.09 луню сетома **мыждом** статусын да йозодома ердлон заседание дырйи, тыдало, мый Кетов чайтис, мый А.С. Мишаринлон вочомторьяс всна вермас сотчыны сомын одзосыс, а оз патераыс, од одзослон пытшкосыс металлысь да керкаыс панельной. Кор воис озтот ыло заказыс, Кириллов воли нин зэв код да эз кывзы сёрнисо. Кор Кетов, Мишарин да Кириллов мунисны таксион, борьяыслы некод эз гогорвоод, кытчю найо муноны. Автозаправка ылын Кетов удждис Кирилловлысь 100 шайт, мый сийо и вуджодис. Кетов эз юорт Кирилловлы, мый бензиныс колю озтот ыло. Кор Мишарин корис Кирилловлысь телефонсо, эз гогорвоод, мый ыло сылы сийо колю. Таксист Сулейманов эз тод озтотмокд йитчюм лоомторьяс йылысь. Сомын сэк, кор Мишарин сетис телефонсо Кирилловлы да корис ыстыны видеосо Колупаевлы, Кириллов вермис гогорвооны, мый лоис. Помнитю, мый Мишаринлы озтомысь косйысисны 3 000 шайт (1 т., 136-138, 177-180 д.л.).

А.А. Кетовлон показаниеясысь, кутшомьясос дело серти ердодз производство дырйи 2023 во 04.21 луню сетома **мыждом** статусын да йозодома ердлон заседание дырйи, тыдало, мый пыран одзос озтигон А.А. Кетов дорын воли «Redmi» маркаа телефон, кодос сылысь босьтисны. Телефоню воли пунктюма «Tele2» операторлысь+7-904-239-59-74 да +7-904-861-74-72 абонентской номерьяса сим-картаяс, но кутшомон водитчис, оз помнит. Озтыгодз звонитис В.С. Колупаев да корис висьтавны А.С. Мишаринлы, медым сийо эз озты, тайос Кетов висьталис Мишаринлы (4 т., 106 д.л.).

Показаниеяссю йозодом борын А.А. Кетов найос эскодис, гогорвоодис, мый допросьяс дырйи бурджыка кутис юрас, мый воли.

Ердо сюрюм **А.С. Мишарин** индом мыж вочомын лыддьо асьсо мыжаон, показаниеяс сетомысь откажитчис РФ Оланподувлон 51 ст. серти.

РФ УПК 276 ст. 1 ю. 3 п. подув ылын йозодома А.С. Мишаринлысь показаниеяссю, кутшомьясос сетома предварительной туялигон, кутшомьяс эмось 1 т. 73, 81-84, 87-89 д.л., 2 т. 134-135, 146-149 д.л., 3 т. 69-70 д.л., 4 т., 121, 199-200 д.л.

А.С. Мишаринлөн асьсө мыжаён лыддьом йылысь 2022 во 10.18 лунся сёрнигижод, мый серти юөртис, мый А.А. Кетов дырйи, кодi снимайтис вöчөмторсö видео вылö, сотис патераö пыран öдзöссö, мый меститчö татшöм инпас серти: Коми Республика, Сыктывкар, Морозов ул., 45 к., 69 патера (1 т., 73 д.л.).

А.С. Мишаринлөн показаниеясысь, кутшöмьясöс делö серти ёрдöдз производство дырйи 2022 во 10.18 лунö сетöма **мыжаён чайтöм** статусын да йöзöдöма ёрдлөн заседание дырйи, тыдалö, мый 2022 во 10.16 лун да 2022 во 10.17 лун костын войнас А.А. Кетовкöд, М.И. Кирилловкöд, В.С. Колупаевкöд юисны спирта юанторьяс Кетов патераын. Колупаевлы воис наркотикьяс вузалан öтуввез-вузасянинсянь вöзйöм повзёдны öти мортöс, кодi ылöдлiс вузасянинсö. Колiс вöли öзтыны сылөн патералысь пыран öдзöссö. Колупаев шуис, мый вöчөм уджсыс сийö мынтас Мишаринлы 3 000 шайт, мый вылö бөрьяыс сöгласитчис да аддзис та вылö вежсян паськöм. Öзтыны колiс татшöм инпас серти: Морозов ул., 45 к., 69 патера. Сэсся аддзисны такси да мунiганыс пыравлiсны заправкаö, кöни водзджык лöсьöдöм 1,5 литра йöрыша сулеяö кисьтiсны бензин, 1 литра гөгöр. Мöд литрсö кисьтiс такси автомашина бакö. Кетов мынтысис бензинысь. Таксиён воисны Морозов улича кузя 51 №-а керка дорö. Кор кутiсны мунны öтуволанiнö татшöм инпас серти: Национальнöй ул., 23 к., Мишарин пасьталiс дасьтöм гачсö да мунiс Морозов улича кузя 45 №-а керка дорö. 5 №-а подъезд дорö матыстчöм бöрын сийö звөнитiс 75 №-а патералөн домофонö сы вöсна мый сöмын сэнi вöли биа, но кор сылы восьтiсны подъезд öдзöссö, сийö кадö подъездысь петiс кутшöмкö ань да Мишарин кежис паныд сулалысь керка дорö, медым сы вылö немтор эз чайтны. Мишарин выль пöv звөнитiс 75 №-а патераö, но öдзöссö сылы эз восьтыны. Мишарин Кирилловлөн телефон пыр звөнитiс Кетовлы да шуис, мый оз вермы веськавны подъездö. Мишарин босьтiс Кирилловлысь телефонсö сы могысь, медым снимайтны видео вылö сотöмсö, öд сытöг сылы эськö эз сетны вознаграждениесö. Кетов отсалiс пырны подъездö да Мишарин сетiс телефонсö сылы, медым сийö снимайтiс. Сэсся Мишарин резiс öдзöссö бензинөн да зажигалка отсөгөн öзтiс сийöс. Кор öдзöсыс öзйис, Мишарин да Кетов пышйисны подъездысь. Мишарин эз чайт, мый вермасны лөктор вöчны йöзлы, сылы вöли веськодь, öд сийö вöли код. Гөгöрвоис, мый тайö патераыс вермис сотчыны дзоньнас. Мишарин да Кетов воисны таксиöдз, кöни найöс виччысис Кириллов, да мунiсны Кетов керкаöдз. Мишарин шыбитiс бензин улысь сулеясö гаражьяс дорын. Гортаныс найöс виччысис Колупаев. Мишарин олыштiс неуна да мунiс гортас. Мыйтакö кад кольöм мысти сылы звөнитiс Кириллов да тшöктiс сылы матыстчыны Кетов дорö, медым сылы мынтысьны вöчөм уджысь. Кор Мишарин локтiс Кетов дорö, Кириллов вöли сэнi нин да шуис, мый регыд воас Колупаев да мынтыяс. Но Колупаев эз лок да звөнитöм вылö эз вочавидз. (1 т., 81-84 д.л.).

А.С. Мишаринлөн показаниеясысь, кутшöмьясöс делö серти ёрдöдз производство дырйи 2022 во 10.18 лунö сетöма **мыждöм** статусын да йöзöдöма ёрдлөн заседание дырйи, тыдалö, мый Сыктывкар, Морозов улича кузя 45 №-а керкаын 69 №-а патераö пыран öдзöссö А.А. Кетовкöд сотöмын сийö лыддьö асьсö мыжаён (1 т., 87-89 д.л.).

А.С. Мишаринлөн показаниеясысь, кутшöмьясöс делö серти ёрдöдз производство дырйи 2023 во 01.30 лунö сетöма **мыждöм** статусын да йöзöдöма ёрдлөн заседание дырйи, тыдалö, мый сийö, кор Мишарин, А.А. Кетов да В.С. Колупаев сёрнитчисны öдзöс сотöм йылысь, накöд орччөн вöли М.И. Кириллов, кодi вöли зэв код да эз кывзы налысь öтувья сёрнисö. Кириллов эз кöсйи пырöдчыны öзтöмö да мунiс накöд ёрт вылö, эз юась кытчö да мыйла. Кор Мишарин корис Кирилловлысь телефонсö, эз гөгöрвоод сылы, мый вылö сылы колö телефоныс. Öзтигөн могьяссö юклiсны татшöм ногөн. Колупаевлы воис öтуввез-вузасянинсянь сотöм вылö заказ, да

сійо вöзйис Мишаринлы Кетовкөд сійос вöчны. Найö кöсйысисны, но водзö могъяссö водзвыив эз юкны, сöмын автозаправка вылын. Кетов шуис, мый аслас сьöм вылö ньöбас бензинсö, а Мишарин кутас öзтыны öдзöссö, а Кетов снимитас видео. Колупаев кöсйысис мынтыны Мишаринлы öзтöмысь 3 000 шайт, но сідзи эз и сет найöс (2 т., 134-135 д.л.).

А.С. Мишаринлөн показанияеясысь, кутшöмъясöс делö серти ёрдöдз производство дырйи 2023 во 02.05 лунö сетöма **мыждöм** статусын В.С. Колупаевкөд очной ставка дырйи да йöзöдöма ёрдлөн заседание дырйи, тыдалö, мый А.С. Мишарин сулалö сы вылын, мый öзтынысö вöзйис В.С. Колупаев, а эз М.И. Кириллов, кодi эз тöд öзтöм серти сёрнитчöм йылысь (2 т., 146-149 д.л.).

А.С. Мишаринлөн показанияеясысь, кутшöмъясöс делö серти ёрдöдз производство дырйи 2023 во 02.28 лунö, 2023 во 05.25 лунö сетöма **мыждöм** статусын да йöзöдöма ёрдлөн заседание дырйи, тыдалö, мый А.А. Кетовкөд да В.С. Колупаевкөд водзвыив сёрнитчöмөн котырөн йöзлысь эмбурсö тöдöмөн тшыкөдöмын лыддьö асьсö мыжаён, сулалö водзджык сетöм показанияеясысь вылын (3 т., 69-70 д.л., 4 т. 199-200 д.л.).

А.С. Мишаринлөн показанияеясысь, кутшöмъясöс делö серти ёрдöдз производство дырйи 2023 во 04.21 лунö сетöма **мыждöм** статусын да йöзöдöма ёрдлөн заседание дырйи, тыдалö, мый öзтигөн сы дорын вöли М.И. Кирилловлөн мобильной телефонсы. Аслас мобильной телефон эз вöv. Вöдитчис +7-950-566-11-62 абонентской номера сим-картаён, кутшöмöс вöли пунктöма сылөн мам Т.С. Мишариналөн телефонö. Öзтытöдзсысь звöнитис В.С. Колупаев, кодi юөртис, мый öзтынысö оз ков. Мишарин, Кирилловлөн телефонён вöдитчöмөн, звöнитис Кетовлы да корис отсөг сы вöсна, мый эз вермы веськавны подъездö (4 т., 121 д.л.).

Налы индöм мыж вöчöмын **В.С. Колупаевлысь, А.А. Кетовлысь** да **А.С. Мишаринлысь** мыжсö эскöдöны ёрдлөн заседание дырйи видлалöм доказательствоясысь.

Потерпевшöй **О.К. Лаврик** гөгөрвоөдiс, мый 05 час 30 минутсянь 06 часöдз кадколастö сійö палялис подъездын гыпнитöмысь, мыйысь сійö повзис. Балкон öдзöсыс вöли восьса да кылис дук, мый быттьökö локтис ывласяныыс. Неуна куйлыштiс да бөр унмовсис. Кор палялис, патераыс вöли тшын пытшкын, сійö зэв ёна повзис да котөртис прихожöйö. Пыран öдзöссянь кылис ратшакакылöм да öдзöс увсянь петiс тшын, биыс эз вöv. Лаврик звöнитис нывьёрт В.А. Макаровалы да шуис корны кусöдчысысьсö. Сэсся восьтис пыран öдзöссö, кисьтис тазйö ва да кутiс кусöдны öдзöс куричсö, кытысь петiс тшын. Сэсся петiсны суседьясысь, кодьясысь кутiсны отсасыны. Сотчисны öдзöслөн пытшкöс юкöнысысь, куричьясысь да прихожöй стенмысысь. Ортсысяныыс öдзöсыс эз сотчы. Патераын матö öти во олö öтнасысь, а таөдз сыкөд олис пиысысь А.П. Вокуев, кодöс пасйöма патераын да öнiя кадö сійö стража улын 2022 во 10.13 лунсянь. Öнiя кадö быд тöлысь босьтö 60 000 шайт да быд тöлысь мынтö 11 500 шайт мындаын кредитысь да 6 000 шайт коммунальной мынтöмысысь. Мыж вöчан кадö быд тöлысь босьтис 40 000 шайт. Дзöньтавнысö дон босьттөг отсалiсны Мельниковьясысь рөдвуж, стройматериальяслөн донысысь сувтис 11 500 шайт гөгөр. О.К. Лаврик сөглас дзöньтасян уджьяслөн да материальяслөн дон йылысь экспертлөн доньялөмкөд – 18 900 шайт мындаын. Сылы вöчöм материальной ущербысысь лоö ыджыдөн да тайö лоөмторйысысь лөка тöдчис сылөн ловкылöм вылö.

О.К. Лавриклөн показанияеясысь, кутшöмъясöс делö серти ёрдöдз производство дырйи 2022 вося йирым тöлысь 17 лунö сетöма **потерпевшöй** статусын да йöзöдöма ёрдлөн заседание дырйи, тыдалö, мый 2022 во 10.17 лунö 05 асысь гөгөр подъездсянь

сійо кыліс гора гыпнитом, та бөрын водзө водіс узыны да 06 час 45 минут гөгөр садьмис сотчөм дук вөсна. Патераыс тырөма тшынөн, тшыныс вөлі сук, сы пыр лёка позис адзыны. Дзик пыр сійо эз гөгөрво, кыті сотчө. Кор петіс лестничной площадка вылө, адзис, мый тшыныс петө өдзөс дорлөн улыс пельөсысь, та бөрын сійо босьтчис кусөдны сотчөмсө ваөн. Неуна вештіс өдзөс дор улысь өти пөв, мый бөрын сэтысь тшыныс петіс унджык. Сійо ёна повзис, звөнитіс нывьёрт В.А. Макаровалы. Пөжарной охранаса уджалысьяс восьтісны өдзөс дорысь пельөссө, кыті сотчис да петіс на тшыныс, да кусөдісны сотчөминсө. Допрос дырйи донъялөма, мый вөчөма 10 000 шайт вылө ущерб, мый лоө сылы сылы ыджыдөн, өд сылөн быдтөлысья чөжөсыс лоө 40 000 шайт, сылөн эмөсь кредит көсйысьөмьясь, мыйысь сійо мынтө быд төлысь 3 800 шайт да 11 500 шайт, а сідзжө быд төлысь мынтысьө коммунальной услугаысь 4 000 шайт (1 т., 40-41 д.л.).

Показаниеяссө юөртөм бөрын О.К. Лаврик найөс эскөдіс, гөгөрвоөдіс, мый показаниеясын лөсвятөмторьясыс лоисны сы вөсна, мый лоөмторйыс вөлі важөн нин.

Свидетель **А.В. Вокуев** гөгөрвоөдіс, мый О.К. Лаврик лоө сылы мамөн, кодкөд водзджык олісны өти патераын, көні сійөс пасйөма. Вокуев оланпас торкалөмөн вузаліс наркотикьясь, закладчыкаліс «Buckleberry» өтуввез-вузасынінын. Сійо гижасис өтуввез-вузасынінса кураторкөд «телеграм» мессенджер пыр. Öтуввез-вузасынінса кураторлөн ник-неймысь «Мага Субботин». Öтуввез-вузасынінө уджавны пыригөн Вокуев сетіс пасьянінөн паспорт копиясө. Гижасигөн куратор өлөдіс, мый Вокуев кө босьтас аслыс наркотикьяссө да дугдас найөс паськөдны, сійөс физическөя дойдасны либө мыйкө сотасны. 2022 вося йирым төлысь 13 лунө инөд видзан органьясса уджалысьяс дугөдісны Вокуевлысь мыж вөчан уджсө сійөс стража улө босьтөмөн, көні Вокуев следовательсянь төдмаліс, мый мамыслысь патера өдзөссө өзтісны сылы төдтөм В.С. Колупаев, А.С. Мишарин да А.А. Кетов. Та бөрын шуис, мый өзтыны вермисны сы вөсна, мый өтуввез-вузасынінса куратор чайтіс, мый Вокуев босьтіс аслыс наркотиксө да дзевбис.

В.А. Макаровалөн да **М.А. Макаровлөн** показаниеясысь, кутшөмьясөс делө серти ёрдөдз производство дырйи 2023 вося төвшөр төлысь 24 лунө сетөма **свидетель** статусын, йөзөдөма ёрдлөн заседание дырйи, тыдалө, мый төдса О.К. Лаврик 2022 во 10.17 лунө 06 час 58 минутын телефон пыр юөртіс пөжар йылысь, мый бөрын Макарова юөртіс та йылысь мездан службаө (2 т., 111-112 д.л., 2 т. 113-114 д.л.).

С.П. Мельников да **С.П. Мельниковалөн** показаниеясысь, кутшөмьясөс делө серти ёрдөдз производство дырйи 2023 вося ода-кора төлысь 11 лунө сетөма **свидетель** статусын, йөзөдөма ёрдлөн заседание дырйи, тыдалө, мый найө дон босьттөг асьныс отсалісны ас морт О.К. Лавриклы дзоньтасыны пөжар бөрын. Лаврик ас сьөм вылө, матө 12 000 шайт вылө, ньөбөма стрөительной татшөм материал: 12 штука МДФ панель пыран өдзөс да откосясь дзоньталөм вылө, кузьтаыс 2,7 метра да пасьятыс 19 см, кызтаыс ылөсас 6 мм.; МДФ складной угол, 5 штука мындаын, ыдждаыс ылөсас 2600x28x28 мм пыран өдзөс да откосясь дзоньталөм вылө, пуысь декоративной планкаыс, 3 штука мындаын, кузьтаыс 3 м., пасьятыс 20 мм., кызтаыс 6 мм. пыран өдзөс дзоньталөм вылө; порог вылө уголокьясь, 2 штука мындаын, ыдждаыс ылөсас 800x40x40 мм. порог дзоньталөм вылө; джоджыввеса йитан планка, 2 штука мындаыс, ыдждаыс ылөсас 1000x60мм өдзөссянь порогөдз да порогсянь линолеумөдз веркөс дзоньталөм вылө; порог вөчөм вылө 1000x1000x12мм ыдждаа МДФ лист, кык тубик кизьөр көрт тув; өти баллон монтажной пена; нель рулон шпалер ылөсас 60 см пасьятөн, 10 м кузьтаөн прихожөйө кышөм вылө; өти упаковка шпалер вылө клей, сьөктаыс ылөсас 500 г, (4 т. 151-153, 155-157 д.л.).

Свидетель **М.И. Кириллов** гөгөрвоодис, мый 2022 вося йирым төлысь 16-17 луньясья рытө спирта юантор юом могысь мунис А.А. Кетов дорө, көнi вöлины В.С. Колупаев, А.С. Мишарин, кодьяскöд öтвылысь юис спирта юантор, мый бöрын Кириллов ёна коддзис да лёка помнитö, мый вöли. Помнитö, кыдзи автомашинаөн мунисны карлань Мишаринкöд да Кетовкöд öтлаын да автомашинаын Кириллов унмовсис, кодi, чайтöм серти, мунис ёрт пыдди да эз кывзы, медем кодкö сёрнитис тайö ветлөм йылысь. Оз помнит, кодi корис таксисö да кытчö найö сувтлисны туйын. Кириллов палялыштис сöмын сэк, кор найö Кетовкöд да Мишаринкöд бөр мунисны С.П.о Сулеймановлөн таксиөн Кетовлөн патераö, кысянь разöдчисны гортаныс. Кириллов оз помнит, мый пыралисны автозаправочной станцияö, помнитö, мый сылөн банка тшöt вылын вöли 250-300 шайт, найöс сийö кодлыкö вуджöдис. Кириллов помнитö, мый сылөн эз вöv позянлун вöдитчыны «телеграмм» мессенджерын Колупаевлөн аккаунтөн.

М.И. Кирилловлөн показаниеясысь, кутшöмьясöс делö серти ёрдöдз производство дырйи 2023 вося урасьöм төлысь 04 лунö сетöма **свидетель** статусын да йöзöдöма ёрдлөн заседание дырйи, тыдалö, мый ичöтдырсяньыс ёртасьö А.С. Мишаринкöд да А.А. Кетовкöд, а 2022 вося косму төлысьянь төдö В.С. Колупаевöс. 2022 во 10.16 лун да 2022 во 10.17 лун костын войнас Кириллов, Мишарин, Колупаев да Кетов бөрьяыс дорын сёрнитисны да юисны алкоголь. Кириллов ёна коддзис да аддзылис, кыдзи Колупаев, Кетов да Мишарин мый йылысь кө сёрнитчисны, да кодкö на пысь юалис Кирилловлысь, эм-ö сылөн сьом такси вылö, мый сэсья и корисны. Кетов да Мишарин мөдöдчисны мунны да Кириллов мунис накöд ёрт пыдди. Колупаев кольчис гортас. Медводз таксиөн кежалисны заправка вылö, көнi Кириллов да Кетов пырисны кассаö. Кириллов ыстис Кетовлы 200 шайт, а Кетов ньöбис бензин. Сэсья Кириллов бөр мунис автомашина дорö да пуксис салонас,а Мишарин матыстчис колонка дорö да кутис кисьтны сулеяö бензин. Сэсья найö воисны Сыктывкарса Морозов улича кузя вöвлөм мелькомбинат зданиеö, көнi куимөн мөдöдчисны Национальной улича кузя 23 №-а керка дорö, көнi Мишарин пырис подъездö, кытысь сэсья петис мөд паськөмөн да киас вöли пакет. Кириллов да Кетов виччысисны сийöс ывла вылын. Таöдз автомашинаын Мишарин корис Кирилловлысь мобильной телефон да Кириллов, Мишаринлы эскөмөн сетис асьыс «Honor 50 Lite» маркаа телефонсö. Кетов звöнитис төдса таксист С.П.о Сулеймановлы да корис матыстчыны машинаөн. Мишарин мунис Морозов улича кузя 45 №-а керкалань, а найö Кетовкöд бөр локтисны сийö жö местаö, көнi петисны таксиысь. Сэн нин виччысис Сулейманов. Кириллов да Мишарин пуксисны автомашинаö да Кириллов вугьртис. Мишарин звöнитис Кетовлы да сийö мунис. Кутшöмкö кад мысти Мишарин да Кетов бөр звöнитисны Сулеймановлы да корисны босьтны найöс Морозов улича вылысь. Сулейманов неуна муныштис да Морозов улича кузя машинаөн ветлан туй дорсянь неылын босьтис Мишаринöс да Кетовöс, мый бöрын ставнысö нуöдис Эжавöдз. Мунигмызыс Мишарин да Кетов мый йылысь кө сёрнитисны да шуисны, мый найö бура ставсö вöчисны. Мишарин да Кетов, кодкö на пысь, бөр сетис Кирилловлы мобильной телефонсö Колупаевлы урчитöм видео ыстыны корөмөн. Видеосö ыстигөн Кириллов казялис, мый видео вылын петкөдлöма, кыдзи сотöны патераö пыран öдзөссö да сэки кутис гөгөрвоны, мый лоис. Сёрнджык Кетов да Мишарин висьталисны, мый öзтисны да фиксируйтисны тайöс видео вылö Кирилловлөн телефон отсөгөн. Кор найö воисны гортас, Колупаев вöзийс Кирилловлы ветлыны «закладкала», мый вылö сийö көсийсис, öд корсюрö дурмөдчывлö наркотикьясөн. Найö кыкөн таксиөн мунисны Вөрзавод м., көнi корсисны «закладкаа» тайниксö, но эз аддзыны, мый бöрын бөр мунисны да регыд мысти разöдчисны (2 т., 144-145 д.л.).

Показаниеяссö юөртöм бöрын свидетель **М.И. Кириллов** найöс эскöдiс, гөгöрвоöдiс, мый, вермас лоны, таксисткöд мынтысисны сёян-юанöн да таксиын сийö пукалiс бöрья пуклöсын.

Свидетель **Д.В. Каракчиев** гөгöрвоöдiс, мый Р 516 СЕ 11 дiнму к.п.п. сьöд рöма «Фиат Линеа» маркаа автомашинаöн такси службаын уджалiгөн нуöдлiс куим том мортöс Эжва районуын Томлун улица кузя 2 либö 3 №-а керкасянь. Мунiгөн кежавлiсны Эжва районуын «Компания 2000» автозаправкаö бензинла, мый пассажирьяс кисьтiсны 1,5 л. йöрыша пластик сулеяö. Та бöрын мунiсны Морозов улица кузя 50 №-а керка дорö «Оптима» вузасян шöринö, кöни найö петiсны. Каракчиев эз сюся видзöд пассажирьяслөн чужöмьяс вылö, найö вöлины быттьö садьöсь, гөгöрвоöдiсны, мый бензиныс колö мопед заправитöм вылö да мынтысисны мунöмысь сёян-юанöн. Воддза пассажирскöй пуклöсын пукалысь пассажир индалiс, кытчö колö мунны. Бензина сулеясö нуисны багажникын, медым салонын эз коль дукуыс.

Д.В. Каракчиевлөн показаниеясысь, кутшöмьясöс делö серти ёрдöдз производство дырйи 2022 во 10.17 лунö сетöма свидетель статусын, йöзöдöма ёрдлөн заседание дырйи, тыдалö, мый 03 час гөгöр воис Томлун улица кузя 2 керкасянь заказ, кöни вöли куим том морт, кодьяс юөртiсны, мый налөн оз тырмы сьöмысь, медым воöдчыны карöдз да вöзйисны мынтысьны öти кофе банкаөн, сырөн, тушёнкаөн, шампуньөн да юрси бальзамөн, та вылö Каракчиев кöсйисис. Вöрзьöм бöрын сылы юөртiсны, мый колö кежавны «Компания 2000» заправка вылö, мый меститчö Сыктывкарса Эжва районуысь петанiнын, мопедлы бензинла. Заправка вылын кык пассажирыс мунiсны мынтысьны бензинысь, а коймöдыс кольччис ломтас сетан колонка дорö, киас вöли 1,5 литра йöрыша мутöм рöма пластикысь сулея. Мынтысьöм бöрын куимнан пассажирыс кутiсны тыртны сулеясö, кытчö кисьтiсны 1 литр, а мöд литрасö Каракчиев кисьтiс автомашина бензобаkö. Каракчиев пунктiс сулеясö багажникö, медым салонын эз коль дукуыс. Сэсся воддза местаын пукалысь пассажир видзöдлiс телефонысь юөр да корис нуны «Оптима» вузасян шöринöдз, мый меститчö татшöм инпас серти: Сыктывкар, Морозов ул., 51 к., кöни пассажирьяс петiсны автомашина салонысь да босьтiсны багажникись сулеясö (1 т., 111-113 д.л.).

Показаниеяссö юөртöм бöрын свидетель **Д.В. Каракчиев** найöс эскöдiс.

И.С. Попугаевлөн показаниеясысь, кутшöмьясöс делö серти ёрдöдз производство дырйи 2023 вося урасьöм тöлысь 15 лунö сетöма свидетель статусын, йöзöдöма ёрдлөн заседание дырйи, тыдалö, мый сылөн батысь С.И. Попугаев, кодi олiс татшöм инпас серти: Сыктывкар, Морозов ул., 45 керка, 61 патера да кодi кувсис 2023 во 02.02 лунö, водзджык висьтавлiс, мый 06 час 30 минут гөгöрын, пöжарöдз, мый вöли подъездын 2022 во 10.17 лунö, звöнитлiсны домофонö да корисны восьтыны подъезд öдзöссö, мый батысь и вöчис (2 т., 191-192 д.л.).

Свидетель **С.П.о. Сулейманов** гөгöрвоöдiс, мый тöдö В.С. Колупаевöс да А.А. Кетовöс да 2022 воö сийö нуöдлiс Кетовöс да нöшта кык мортöс Морозов уличасянь Эжваöдз. Сулеймановлы кöсйисны мынтысьны, но эз мынтысьны. Тайö кадö сийö вöдитчис 8904-100-00-30 да 8912-567-07-57 номерьяса сим-картаясөн.

В.С. Колупаевлысь, А.А. Кетовлысь да **А.С. Мишаринлысь** индöм мыж вочöмын мыжсö сiдзжö эскöдöма ёрдлөн заседание дырйи видлалöм гижöм доказательствоясөн.

Россияса Сыктывкарын ПДМВ сменаса начальниклөн 2022 во 10.17 лунся рапортон, мый серти 06 час 59 минутын воис патера татшом инпас серти: Сыктывкар, Морозов ул., 45 керка, 69 патера, öзйöм йылысь юөр (1 т., 4 д.л.).

2022 во 10.17 лунся лоöмтор артманінсö видлалан сёрнигижöдöн, фотография серпасьясöн, мый серти пасйöма Сыктывкар, Морозов ул., 45 керка, 69 патера инпас серти патера прихожйöлөн, патераö пыран öдзöслөн состояниеыс да тайö патера дорын лестничной площадкалөн состояниеыс. Пасйöма термической тöдчанторьяслысь да прихожй стенин да öдзöс вылын тшыкöминьяслысь эмлунсö. Подъездсö видлалигөн перилöяс да öдзöс вылысь аддзöма да босьтöма ки чунь туйяс (1 т., 5-10 д.л.).

2022 во 10.17 лунся лоöмтор артманінсö видлалан сёрнигижöдöн, фотография серпасьясöн, мый серти пасйöма Сыктывкар, Морозов ул., 45 керка, 69 патера инпас серти патера прихожйöлөн, патераö пыран öдзöслөн состояниеыс да тайö патера дорысь лестничной площадкалөн состояниеыс. Пасйöма термической тöдчанторьяслысь да прихожй стенин да öдзöс вылын тшыкöминьяслысь эмлунсö (1 т., 213-219 д.л.).

2022 во 10.18 лунся лоöмтор артманінсö видлалан сёрнигижöдöн, фотография серпасьясöн, мый серти А.С. Мишаринлөн участвуйтöмөн пасйöма гараждорса обстановкаиыс, мый меститчö Коми Республикаса Сыктывкарлөн Морозов улича кузя 63/2 №-а керкалы паныд. Видлалигөн гаражсянь 23 метраын ылнаын аддзöма да босьтöма «Жигулевское» этикеткаа мугöм рöма 1,5 литра йöрыша полимерной сулеяö, көнi неуна вöли ёсь дука кизьöрттор, а сiдзжö аддзöма да босьтöма пемыдруд рöма гач (1 т., 68-72 д.л.).

Перйöм серти 2022 во 10.19 лунся сёрнигижöдöн, мый серти В.С. Колупаевлысь босьтöма «Huawei» маркаа телефон (1 т., 136-138 д.л.).

Предметьяс видлалан 2023 во 02.25 лунся сёрнигижöдöн, фотография серпасьясöн, мый серти пасйöма «Super Choice» да «В.С. Колупаев» абонентьяс костын гижасьöмлысь сюрöссö. 2022 вося 10.16 лунö 12.00 часын «Super Choice» юөртö, мый лоö «Колупаевлы» удж, кодi шуис, мый дась сийöс вöчны. 2022 вося 10.16 лунö «Колупаев» корö «Super Choice»-лысь авансөн сетны 1 грамм да көсийсьö, мый водзö вылö сыысь уджалас. 2022 вося 10.16 лунö 22.29 часын «Super Choice» юасьö «Колупаевлөн» позянлун йылысь сотны öдзöссö. «Колупаев» вочавидзö, мый ставыс мыджсьö мынтысян мында вылö. «Super Choice» гөгөрвоöдö, мый колö капюшонын, маскаын да ковтöм көлуйын кисьтны бензин öдзöс вылö, мый вылö «Колупаев» 2022 вося 10.16 лунö 23.04 часын сетö сöгласлун. «Super Choice» дзик пыр ыстö паспорт копия Сыктывкар, Морозов ул., 45 к., 69 патера инпас серти пасйысьöмсö индöмөн. 2022 вося 10.16 лунö 23.39 часын «Колупаев» юасьö сы йылысь, кор позьö мунны öнi да кутшöм лоö мынтысьöмыс. «Super Choice» юөртö, мый колö мунны öнi да мынтысьöмыс лоö куим грамм. 2022 вося 10.17 лунö 00.07 часын «Колупаев» шуö, мый полö вöчны öзтöмсö олан керкаын да мый вермасны лоны бöртасьяс 167 ст. серти. 2022 вося 10.17 лунö 00.17 часын «Super Choice» юөртö, мый «Колупаев» вермас тайöс не вöчны, мый вылö «Колупаев» шуö, мый ставсö вöчас куим граммысь да корö ыстыны сотöмлысь пример. Вочакывйын «Super Choice» ыстö 1 минута 38 секунда кузьята видеозапись, көнi индöма керка, керкалысь номерсö да улича нимсö, подъездлысь да патера öдзöслысь состояниесö, мый вылö кисьтöны кизьöрттор да öзтöны, мый бöрын сийö заводитö сотчыны. Водзö «Super Choice» юөртö, мый колö босьтны аскöдыс сулея да вöчны öзтöмсö мөд көлуйын, маскаын да чуня кепысьын, тöдчöдö, мый наркокурьерыс оз кут элясьны полицияö öдзöс сотöм вылö. 2022 вося 10.17 лунö 00.32 часын «Колупаев» юасьö, позьö-ö босьтны мынтöмсö сьöмөн, мый вылö «Super Choice»

вочавидзö, мый мынтöмыс лоö сöмын граммьясöн, кутшöмьясöс «Колупаев», кöсьяс кö, вермас вузавны. «Колупаев» оз сувт талы паньд. 2022 вося 10.17 лунö 01.48 часын «Super Choice» юасьö сы йылысь, виччысьны-ö сылы уджлысь бöртассö, мый вылö «Колупаев» вочавидзö, мый ыстис бензинла да час да джын мысти ыстас видео. 2022 вося 10.17 лунö 03.16 часын «Колупаев» стöчмöдö инпассö, мый вылö «Super Choice» бара ыстö паспорт копиясö Морозов ул., 45 керка, 69 патера инпас серти пасйысьöмön. 2022 вося 10.17 лунö 05.22 часын «Колупаев» ыстö 28 секунда кузьта видеозапись, кöни петкöдлöма, кызди öзтöны 69 номера öдзöс, мый вылö «Super Choice» вочавидзö, мый уджсö вöчöма бура. «Колупаев» юасьö мынтысьöм йылысь, мый вылö «Super Choice» 2022 вося 10.17 лунö 06.08 часын ыстö «Колупаевлы» Сыктывкарса Вöрзавод районын куим граммлön меститчанin йылысь юөр географическöй координатьясö индöмön да фотография серпасьясö содтöмön. 2022 вося 10.17 лунö 07.28 часын «Колупаев» ыстö фотосерпас, кöни киас кутö сьод рöма изолентаö гартöм тубрас, мый вылö «Super Choice» вочавидзö бура. 2022 вося 10.17 лунö 09.39 часын «Колупаев» юасьö, эм-ö мöд удж (2 т., 234-240 д.л.).

Предметьяс видлалан 2023 во 02.22 лунся сёрнигижöдön, фотография серпасьясöн, мый серти пасйöма автозаправочнöй станцияысь видеозаписьлön сюрöсыс, кутшöмöс сетис «Компания 2000». Видеозапись вылын пасйöма фактсö, кызди автозаправочнöй станцияö локтö легкöвöй автомашина, кöни вöлины нель мужичöй, на лыдын А.А. Кетов да М.И. Кириллов. 2022 вося 10.17 лунö 03 час 56 минутын А.А. Кетов М.И. Кириллов дырйи мынтысис кык литра бензин ньöбöмысь. Водзö, индöм йöзыс вöчисны манипуляцияяс колонкаса пистолетön, мый бöрын автомашинаса водитель восьтис да тупкис багажниксö, та дырйи мужичöйяс пиысь öтиыс кутис киас пемыд рöма сулея (2 т., 221-226 а.д.).

Предметьяс видлалан 2023 во 02.25 лунся сёрнигижöдön, фотография серпасьясöн, мый серти пасйöма Сыктывкарлön Морозов улича кузя 45 №-а керкаын 69 №-а патералысь öдзöс öзтöм серти видеозаписьлön сюрöсыс. Видеозаписьлön кузьтаыс 33 секунда. Пасйöма, кызди пемыд курткаа да капюшона морт кутö киас пемыд рöма сулея, мыйысь койыштö öдзöс вылö, öдзöсдорса джодж да пос тшупöдьяс вылö кизьöрттор. Мый бöрын öзтö кизьöртторсö, мый ыпнитö (2 т., 241-245 д.л.).

2023 во 02.25 лунся лоёмтор артманin видлалан сёрнигижöдön, фотография серпасьясöн, мый серти пасйöма Сыктывкарлön Морозов улича кузя 45 №-а керкаын 5 №-а подъездса öдзöс вылын домофонлысь эмлунсö (3 т., 1-3 д.л.).

2023 во 02.25 лунся лоёмтор артманin видлалан сёрнигижöдön, фотография серпасьясöн, мый серти пасйöма Коми Республикаса Сыктывкарлön Морозов улича кузя 51 №-а кера дорын обстановкыс (3 т., 4-7 д.л.).

2023 во 02.25 лунся лоёмтор артманin видлалан сёрнигижöдön, фотография серпасьясöн, мый серти пасйöма «Компании 2000» автозаправка мутасын обстановкасö, мый меститчö татшöм инпас серти: Бумажник шöртуй, 70 керка, Сыктывкар, Коми Республика (3 т., 8-10 д.л.).

2023 во 02.25 лунся лоёмтор артманin видлалан сёрнигижöдön, фотография серпасьясöн, мый серти пасйöма Коми Республикаса Сыктывкарлön Томлун улича кузя 2 №-а керкаын 13 №-а патералön лестничнöй площадка вылын меститчанinсö (3 т., 11-13 д.л.).

2022 во 10.18 лунся обысклөн сёрнигижөдөн, мый серти А.А. Кетовлөн патераын, мый меститчө татшөм инпас серти: Сыктывкар, Томлун ул., 2 керка, 13 патера, аддзёма да босьтёма «Redmi» маркаа телефон (1 т., 58-61 д.л.).

Предметьяс видлалан 2023 во 02.25 лунся сёрнигижөдөн, мый серти пасйёма, мый А.А. Кетовлөн «Redmi» телефонын эм юөр сы йылысь, мый 2022 вося 10.17 лунө 07 час 04 минутын вөчёма звөнок А.С. Мишаринлөн абонентскöй номер вылө (2 т., 230-233 д.л.).

Документьяс видлалан 2023 во 04.25 лунся сёрнигижөдөн, фотография серпасьясөн, мый серти, мыждан А.А. Кетовлөн участвуйтөмөн, пасйёма 2022 вося 01.17 лунө 07 час 04 минутын А.С. Мишарин да А.А. Кетов костын телефон пыр йитчөмсö (4 т., 126-132 д.л.).

Документьяс видлалан 2023 во 04.28 лунся сёрнигижөдөн, фотография серпасьясөн, мый серти, мыждан А.А. Кетовлөн участвуйтөмөн, пасйёма 2022 вося 10.17 лунө 01 час 09 минутын да 04 час 39 минутын А.А. Кетов да А.С. Мишарин костын; 2022 вося 10.17 лунө 00 час 48 минутын, 03 час 51 минутын, 04 час 03 минутын, 04 час 44 минутын, 05 час 21 минутын, 06 час 14 минутын, 06 час 17 минутын А.А. Кетов да В.С. Колупаев костын телефон пыр йитчөмсö (4 т., 136-139 д.л.).

Уголовнöй делö панөм йылысь 2022 во 10.13 лунся шуөм копияөн, мый серти А.В. Вокуев серти панөма РФ УК 30 ст. 3 ю., 228.1 ст. 5 ю. урчитөм мыж вөчан признакьяс серти уголовнöй делö, наркотик средство – N-метилэфидронлөн производнöй, 380,26 гр. абу этшаджык öтувья сьöктаөн – инавны көсьян факт серти (2 т., 119-121 д.л.).

Коми Республикаын ПДМ адреснöй справка, мый серти А.П. Вокуев, кодi чужёма 2000 во 04.25 лунө пасйысьёма 2014 во 06.06. лунсянь татшөм инпас серти: Сыктывкар, Морозов ул., 45 к., 69 патера (4 т., 159 д.л.).

«Brickleberry» мыж вөчысь котыр серти, кодi збыльмөдö ассьыс уджсö Россия Федерация мутасын, оперативно-розыскнöй мероприятияяслөн бөртасьяс йылысь аналитическöй справка, мый серти тöдтөм йөз, кодьяс вөдитчöны «SUPER CHOICE» да «Мага Субботин» условнöй нимьясөн, уджалöны «Brickleberry» котыртөм мыж вөчан котырын, кодi вөчалö мыжьяссö Коми Республикаын 2018 вося моз төлысь 31 лунсянь наркотикьясөн, психотропнöй веществоясөн да налөн аналогьясөн оланпас торкалөмөн вөдитчан юкөнны (2 т., 210-214 д.л.).

Экспертлөн 2022 во 11. 02 лунся 3241 №-а заключение, мый серти сулея пытшкын, кутшөмөс аддзёмаөсь да босьтёмаөсь гараж дорысь, мый меститчө Сыктывкарын Морозов улича кузя 63/2 №-а керка дорын, эм кокниа öзйысь сорас (КÖС), а стöчджыка кө – автомашина бензин (1 т., 181-183 д.л.).

Экспертлөн 2023 во 02.02 лунся 30 №-а заключение, мый серти збыльысь вермис лоны, мый öзьян помкаөн лоис сийö, мый восьса биа источникысь, кутшөмлысь сотчөмсö öддзөдiсны кокниа öзйысь (КÖС) либö öзйысь сорасөн, öзйисны öзйысь материальясыс. Медэтша вылө вöлi öтувья площадьөн йитчытөм кык сотчанiн, öтиыс меститчөма подъездянь пыран öдзöслөн веськыд наличниклөн улысса юкөнны да мөдыс меститчөма öдзöс көрөбкалөн улысса шуйга пельöсас. Тайö öзйöмыс лоөмторьяс

дырйи, кутшөмьясөс гижөма мыжаөн чайтан А.А. Мишаринлөн показаниеясын, вермас лоны (2 т., 54-58 д.л.).

Экспертлөн 2023 во 01. 30 лунся 031-23 №-а заключение, мый серти Сыктывкарын Морозов улича кузя 45 №-а керкаын 69 №-а патераын өдзөс дорлөн да сэтчө пыран өдзөслөн рынок доныс, 2022 во 10. 17 лун мыж вөчан кад вылө важмөмсө төд вылө босьтөмөн, лоө 5 400 шайт (1 т., 231-245 д.л.).

Экспертлөн 2023 во 05.11 лунся 50/23 №-а заключение, мый серти уджъяслөн да материалъяслөн (изделиеяслөн), кутшөмьяс колöны, медым дзоньтавны патераө пыран өдзөссө татшөм инпас серти: Коми Республика, Сыктывкар, Морозов ул., 45 к., 69 патера да сы дорса стенсө, мый тшыкөма 2022 во 10. 17 лунө пөжар дырйи, важмөмсө төд вылө босьттөг лоө 18 900 шайт (4 т., 77-99 д.л.).

Экспертъяслысь индөм заключениеяссө донъялөмөн, ёрд лыддьö, мый налөн выводьясыс оз мунны паныд уголовной делö серти чукөртөм став доказательстволы да лөсялöны накөд.

Ёрдлөн видзöдлас серти, делö серти чукөртөм доказательствоясыс вермасны лоны сы вöсна, мый найöс босьтөма Россия Федерацияса уголовно-процессуальной оланпастэчаслөн корөмьясö кутчысьөмөн.

Канму нимсянь мыждысь тырвийö воö öти кывйö В.С. Колупаевлы, А.А. Кетовлы да А.С. Мишаринлы индөм мыждөмөн.

Относимосьт, лоны верманлун, стöчлун, а öтлаынсö – уголовной делö серти уджсö нуөдөм вылө тырманлун боксянь сетөм доказательствояссö туялөмөн да донъялөмөн, ёрд воис выводö сы йылысь, мый ёрдын видлалигөн вöли эскөдöма ёрдö сюрөм В.С. Колупаевлысь, А.А. Кетовлысь да А.С. Мишаринлысь налы индөм мыж вöчöмын мыжсö.

Ёрдын видлалигөн индöма да дорйысь оз вензьөмөн вен сийöс, мый А.В. Вокуев, кодöс пасйöма татшөм инпас серти: Сыктывкар, Морозов улича, 45 керка, 69 патера, оланпас торкалөмөн иналис наркотикъяссö кызди закладчик.

Наркотикьяс вузалан öтувез-вузасянинö удж вылө пыригөн А.В. Вокуев сетис пасйысьөмөн паспортлысь копиясö да сылы водзвыв юөртисны сы йылысь, мый сийö кө босьтас аслыс наркотикъяссö, сы серти вермас лоны физической расправа либö вермасны öзтыны.

2022 вося йирым төлысь 13 лунö А.В. Вокуевлысь мыжъяс вөчан уджсö вöли дугөдöма сийöс стража улö босьтөмөн.

2022 вося йирым төлысь 16 лунсянь 17 лун вылө войнас В.С. Колупаев, А.А. Мишарин да М.И. Кириллов öтлаын вöлины А.А. Кетовлөн патераын татшөм инпас серти: Сыктывкар, Томлун улича, 2 керка, 13 патера.

2022 вося йирым төлысь 16 лунö 22 час 29 минутын В.С. Колупаевлөн «Huawei» маркаа аслас телефон вылө «Телеграмм» мессенджерын воис наркотикьяс вузалан öтувез-вузасянинса кураторсянь вöзийөм – сотны А.В. Вокуевлөн патералысь өдзөссө татшөм условиеяс вылын: өдзөссө колö кисьякавны кокниа öзйысь сорасөн, öзтыны да снимайтны сотөмсö видео вылө, сылысь записьсö быть колö сетны öтувез-вузасянинса кураторлы, кодi тайö случайын быть көсийысьö сетны вознаграждениесö куим грамм наркотик мындаын.

А.С. Мишарин сöгласитчис индөм вöзийөмөн, мый бöрын корсис вежөм вылө паськөм, кисьтис бензинсö дасьтөм сулеяö, уна патераа олан керкалөн подъездын вöлигөн кисьякалис патераө пыран өдзөссө бензинөн да öзтис сийöс.

А.А. Кетов, кодї вöлі А.А. Мишаринкөд öтлаын, ньöбис бензин, сетіс позянлун пырны подъездö, снимайтіс видео вылö öдзöс сотöмсö, видзöдіс на гөгöр обстановка бöрся, а сідзжö корис тöдса таксист С.П.о. Сулеймановöс, кодї виччысис А.А. Кетовöс да А.С. Мишаринöс да отсаліс налы мунны лоöмтор артманінысь.

В.С. Колупаевлы сыöн А.А. Кетовлөн патераын индöм йöзсö виччысигöн М.И. Кирилловсянь воис сотöм вöчöм йылысь видео, мый бöрын сійö нин ытіс видеосö öтуввез-вузасянінса кураторлы.

Та бöрын В.С. Колупаевлы öтуввез-вузасянінса кураторсянь воисны наркотикьяса закладка меститчанінлөн географическöй координатьяс да фотография серпасьяс, мый бöрын В.С. Колупаев М.И. Кирилловкөд öтвылысь мунісны корсьны закладкасö.

Сотöм бöрын потерпевшöй О.К. Лавриклөн патераын тшыкöмаöсь öдзöс, öдзöс дорсö да коридорын обойыс, кодлы вöчöма тöдчана материальнöй ущерб 18 900 шайт мындаын.

Дорйысьлөн доводьясыс сы йылысь, мый В.С. Колупаев абу вöчлöма сылы индöм мыжсö да мый М.И. Кириллов мыжа öзтöмсö котыртöмын, сы йылысь, мый А.А. Кетов вöчöма вöчöмторьяс, кутшöмьяс эскöдöны сöмын сійöс, мый вермис лоны сотöмсö вöчöмын отсасьöм, ёрдөн вöлі прöверитöма, но найöс абу эскöдöма.

Дорйысьлөн индöм доводьясыс оз лöсявны свидетель М.И. Кирилловлөн показаниеяскöд да ёрдö сюрöм А.А. Кетовлөн да А.С. Мишаринлөн показаниеяскöд, кутшöмьясöс найö сетлісны ёрдöдз на видлавтöдз сійö юкöнын, мый оз торк уголовнöй делö серти став доказательствосö, сы йылысь, мый сотнысö вöзйис В.С. Колупаев, кодї котыртіс сотöмсö, медым босьтны наркотикьяс вузалан öтуввез-вузасянінсянь вознаграждение.

Свидетель М.И. Кирилловлөн показаниеясыс тырвыйö лöсялöны ёрдö сюрöм А.А. Кетовлөн да А.С. Мишаринлөн показаниеяскöд сы йылысь, мый М.И. Кириллов эз пырöдчыв сотöмсö котыртöмö да вöчöмö сы вöсна, мый мыж вöчигöн сійö вöлі зэв код да эз гөгöрво став лоöмторсö, мый вöчсьö.

Дорйысьлөн доводьясыс сы йылысь, мый М.И. Кириллов нуöдіс перепискасö öтуввез-вузасянінса кураторкөд «телеграмм» мессенджерын В.С. Колупаев нимсянь лоöны подулавтöмөсь сы вöсна, мый оз лöсявны перепискәлөн сюрöскöд, мый серти артмö, мый сэк, кор М.И. Кириллов эз вöv А.А. Кетовлөн патераын, öтуввез-вузасянінса кураторкөд перепискаыс нуöдсис водзö да оз лöсяв сійö лоöмторкөд, мый М.И. Кириллов ытіс аслас телефонсянь сотчöмөн видеосö В.С. Колупаевлөн телефон вылö, кодлы вöлі колö сэсся ыстыны да сэсся ытіс сійöс кураторлы да А.А. Кетовлөн, А.С. Мишаринлөн да М.И. Кирилловлөн локтіг кежлö сылөн вöлі нин наркотика закладка меститчанін йылысь юöрыс.

Дорйысьлөн доводьясыс сы йылысь, мый В.С. Колупаев ас кöсйöм серти öткажитчис вöчны мыжсö да корис А.А. Кетовöс да А.С. Мишаринöс сотчöмсö не вöчны, оз лöсявны В.С. Колупаевлөн öтуввез-вузасянінса кураторкөд перепискәлөн сюрöскöд, мый серти артмö, мый В.С. Колупаев куратор водзын кöсйысьöмьястөг переписка водзын да бöрын корö могмөдны сійöс «уджөн», а сідзжö оз лöсявны ёрдö сюрöм А.А. Кетовлөн да А.С. Мишаринлөн вöчöмторьяскöд, кодьяс збыльмөдісны патера öдзöссö сотны öтувья мөвпсö, медым босьтны вознаграждение, мыйöн вöдитчан инöдыс вöлі В.С. Колупаевлөн.

Ёрдлөн индём выводьясыс подулаломён лөсялөны предварительной следствие дырйи 2022 во 10. 20 лунө мыжаён чайтан да мыждана пыдди допрос дырйи ёрдө сюрөм В.С. Колупаевлөн показаниеяскөд, предварительной следствие дырйи 2022 во 10. 18 лунө да 2023 во 02. 26 лунө мыжаён чайтан да мыждана пыдди допрос дырйи ёрдө сюрөм А.А. Кетовлөн показаниеяскөд, предварительной следствие дырйи 2022 во 10. 18 лунө, 2023 во 01.30 лунө, 2023 во 02. 05 лунө, 2023 во 02.28 лунө, 2023 во 05. 25 лунө мыжаён чайтан да мыждана пыдди допрос дырйи ёрдө сюрөм А.С. Мишаринлөн показаниеяскөд, мый серти, артмө, мый А.А. Кетов, А.С. Мишарин да В.С. Колупаев бөрьялөн вөзйөм серти өтлаын сёрнитчисны сотны патералысь өдзөссө, медым босьтны наркотикьяс вузалан өтувез-вузасянинсянь вознаграждение, мый бөрын ас костаныс юклісны могьяссө да збыльмөдісны мөвпыштөмторсө.

В.С. Колупаевлысь, А.А. Кетовлысь да М.С. Мишаринлысь тайө показаниеяссө босьтөма РФ УПК корөмьяс серти, дорйысьяс дырйи, ёрдө сюрөмаяслы налысь инөдьясө гөгөрвоөдөмөн, кутшөмьясөс урчитөма РФ Оланподувлөн 51 ст. да РФ УПК 46, 47 ст., а сіджө сысысь өлөдөмөн, мый сэк, кор найө сөгласөсь сетны показаниеяссө наөн вермасны вөдитчыны уголовной делө серти доказательствояс пыдди, сы лыдын водзө наысь өткажитчигөн.

Ёрдын видлалөм дырйи В.С. Колупаевөс, А.А. Кетовөс да А.С. Мишаринөс уголовной кывкутөмө оланпас торкалөмөн кыскөмын, делөлөн материальясын фактыяслөн паныд сувтөмын, доказательствояс да наөн водзвыв мөвпыштөмөн вөдитчөмын абу урчитөма, мый кодлыкө тайө колана, сы лыдын инөд видзан органьясын уджалысьяслы.

РФ УПК 75 ст. урчитөм подувьяссө, медым лыддыны сетөм доказательствояссө позьтөмөн, ёрдөн абу урчитөма, уголовной делө туялігөн РФ УПК торкалөмьяссө абу вөчөма.

Мыж вөчөмын мыждөмаяслысь мыжсө индөма потерпевшөйлөн, свидетельяслөн показаниеясөн, ёрдлөн заседание дырйи туялөм да вылынджык индөм мукөд доказательствоөн.

РФ ГК 15 ст. 2 п. серти убыток улын гөгөрвосьө рөскод, кутшөмьясөс морт, кодлысь инөдсө торкалөма, вөчис либө сылы ковмас вөчны, медым бөр лөсьөдны торкалөм инөдьяссө, сылысь эмбурсө воштөм либө тшыкөдөм (збыльыввса ущерб), а сіджө босьттөм чөжөс, мыйта эськө тайө мортыс босьтіс гражданской оборотлөн быдлуныя условияс дырйи, сылысь кө инөдсө эз вөв торкөма (воштөм выгөда).

«Ёрдьясөн Россия Федерацияса гражданской кодексын медводдза юкөнлөн I юкөдса өткымын положениеөн вөдитчөм йылысь» Россия Федерацияса Медвылыс Ёрд Пленумлөн 2015 во 06. 23 лунся 25 №-а Шуөмлөн 13 п. гөгөрвоөдөма, мый истецлөн эмбурлысь тшыкөдөмьяссө бырөдөм могысь кө вөдитчисны либө кутасны вөдитчыны выль материальясөн, то оланпасөн либө сёрнитчөмөн урчитөм случайяс кындзи, татшөм бырөдөм вылө рөскодыс тырвыйө пырө истецлөн збыльыввса ущербө, сы вылө видзөдтөг, мый эмбурлөн доныс содіс либө вермас содны тшыкөдтөдз сылөн донкөд өткодьялөм серти.

Татшөм ногөн, выль материальяс ньөбөм вылө рөскодыс, кутшөмьяс колөны тшыкөдөм эмбур дзоньталөм вылө, пырөны убыткаө, кутшөмьясөс колө бергөдны лөктор вөчысьлы, а ас вынөн вөчөм дзоньталөмыс оз ло подулөн, медым мездыны лөк вөчысьөс сійөс бергөдөм серти кывкутөмысь да оз вермы торкны потерпевшөйлысь убыткасө тырвыйө бергөдан инөдсө.

Экспертлөн 2023 во 05. 11 лунся 50/23 №-а заключение серти уджлөн да материалгяслөн (изделияслөн), кутшөмьяс колёны потерпевшөй О.К. Лавриклөн патераысь пөжар дырйи тшыкөдөм пыран өдзөссө да сы дорса стенсө дзоньталөм вылө, рыночнөй доныс, важмөмсө төд вылө босьттөг, лоө 18 900 шайт.

Татшөм ногөн, экспертлөн заключениеыс тырвуйө лөсялө корөмьяслы, кутшөмьясөс индөны татшөмсяма документгяс дорө «Россия Федерацияын доньялан удж йылысь» РФ УПК да ФО да ёрдлөн абу гөгөрвотөмлуныс экспертлөн заключениелөн веськыдлунын да сийөс подулалөмын.

Потерпевшөй О.К. Лавриклысь чөжөссө, кредитнөй кывкутөмьяссь, а сідзжө коммунальнөй услугагяс вылө өтувья рөскөдсө арталөмөн мыж вөчөм вөсна лоөм ущербыс лоө сылы ыджыдөн.

Сийөс, мый эм «өзтөмөн» мыж вөчөмсө квалифицируйтан признакыс, эскөдөма делөлөн материалгясөн, а сы вөсна мый өзтөмсө вөлі вөчөма общеөпаснөй ногөн уна патераа керкаын, кор биыс вермө вуджны мукөд патера вылө да вермас вөчны лектор йөзлөн дзоньвидзалунлы да олөмлы, РФ УК 167 ст. 2 ю. серти мыж вөчөмсө квалифицируйтан признаксө лои тырвуйө эскөдөма.

Оланпас серти, мыж вөчөмсө котыртысьөн шуөны мортөс, коді котыртис мыж вөчөмсө либө коді веськөдліс сийөс олөмө пөртөмөн, а сідзкө мортөс, коді лөсьөдіс котыртөм группасө либө мыж вөчан котырсө (мыж вөчан организациясө) либө коді юрнуөдіс сыөн. Та вылө мыджсьөмөн, торйөдөны кык сикас котыртысьөс: кодлөн вөчөмторьясыс абу йитчөмаөсь мыж вөчан котыртөм группаяс лөсьөдөмкөд, да кодлөн вөчөмторьясыс йитчөмаөсь татшөм группаяссь лөсьөдөмкөд.

Котыртан вөчөмторьясөн, кутшөмьяс абу йитчөмаөсь котыртан группа лөсьөдөмкөд, лыддьөны мортлысь вөчөмторьяссь, кутшөмьяс йитчөмаөсь мыж вөчысьөс корсьөмкөд, мыж вөчны да та могысь колана средствояс ньөбны вөзийөмкөд, мыж вөчөм вылө ырыштчан объект корсьөмкөд, ырыштчөм вылө ин да кад урчитөмкөд, мыж вөчөмсө планируйтөмкөд, мукөд соучастниклөн вөчөмторьяслысь сюрөссө урчитөмкөд, транспортөн мөгмөдөмкөд да мыж вөчигөн обстановка бөрся видзөдөмкөд, мыж вөчөмөн судзөдөм предметгяссь иналөмкөд, мыж вөчысьяскөд мынтысьөмкөд, документация лөсьөдөмкөд да мукөд татшөмсяма вөчөмторьяс.

Татшөм ногөн, мыждысьяссянь ёрдө сетөм доказательствоясөн стөча урчитөма В.С. Колупаевлысь, кызди мыж вөчөмсө котыртысьлысь, мөгсө, мый петкөдчө мыж вөчөм вылө ырыштчөм объектсө урчитөмын, вознаграждение вөсна тайө мыж вөчны олөмө пөртысьясөс – А.А. Кетовөс да А.С. Мишаринөс корөмын, мыж вөчөмсө планируйтөмын, мыж вөчөм вылө ырыштчөм объектсө да кадсө урчитөмын да мыж вөчысьяслы мынтысьөмын.

Подсобнической вөчөмторьяслысь лыддьөгсө вайөдөма РФ УК 33 ст. 5 ю. тырвуйө лыддьөгөн да паськыда гөгөрвоөдны сийөс оз ков.

Делөын збыльывса лоөмторьяссь да сийө төд вылө босьтөмөн, мый А.А. Кетов медводдзасяньыс сёрнитчис В.С. Колупаевкөд да А.С Мишаринкөд сотны өдзөссө, мыж вөчигөн А.С. Мишаринкөд юкліс мөгьяссь, А.С Мишаринкөд өтув веськыда вөчис мыжсө, А.А. Кетовөн вөчөмторсө колө квалифицируйтны кызди мыж вөчөм.

Ёрдын видлалөм дырйи В.С. Колупаев, А.А. Кетов да А.С. Мишарин серти уголовнөй делөсө дугөдөм вылө подувьяссь да уголовнөй кывкутөмысь мездөмсө абу урчитөма.

Гижом подув вылын, ёрд шуо ёрдö сюрöмалысь мыжсö эскöдöмаөн да квалифицируйтö **В.С. Колупаевлысь** вöчöмторьяссö **РФ УК 33 ст. 3 ю., 167 ст. 2 ю.** серти, кызди водзвыв мөвпыштöмөн йöзлысь эмбур öзтöмөн тшыкöдöмсö котыртöм, да тайö вöчöмтор вöсна лои ыджыд ущерб.

А.А. Кетовлысь да **А.С. Мишаринлысь**, быдöнлысь, вöчöмторьяссö ёрд квалифицируйтö **РФ УК 167 ст. 2 ю.** серти, кызди водзвыв мөвпыштöмөн йöзлысь эмбур öзтöмөн тшыкöдöм, да тайö вöчöмтор вöсна лои ыджыд ущерб.

Делöысь материальяссö, кутшöмьяс йитчöмаöсь В.С. Колупаевлөн, А.А. Кетовлөн да А.С. Мишаринлөн личносът йылысь мыччöдьяскöд, кодьяс оз сулавны психиатр да нарколог дорын учёт вылын, индöм мыж вöчöмлысь лöмторьяссö, ёрдлөн заседание дырйи ёрдö сюрöмаясөн асьнысö кутöмсö тöд вылö босьтöмөн, ёрд шуо найöс тырвийö вежöраөн налы индöм мы вöчöм серти.

Мыждöмсö урчитигөн ёрд кутчысьö РФ УК 6, 43, 60, 67 ст. корöмьясö, тöд вылö босьтö вöчöм мыжлысь йöзкотырлы öпаносът серти характерсö да сылысь степеньсö, кутшöмöс пыртöма сьöкылдун серти шöркöдь тшупöда категорияö, мыжаяслысь личносътсö, налысь дзоньвидзалунсö, а сіджö тöд вылö босьтö индöм мыждöмлысь ёрдö сюрöмаяслысь исправитчöм вылö тöдчöмсö да налөн семьяслөн олан условияс вылö.

В.С. Колупаевöс мыждывлöмаöсь нин, сійö лöө мортөн, кодöс административнöя мыждывлöмаöсь нин РФ КоАП 20.1 ст. 1 ю. серти, сылөн эм пыр оланін, оланін серти сійöс доньялöны шöркöдя, сійö оз сулав врачьяс нарколог, психиатр дорын учёт вылын.

А.А. Кетовöс мыждывлöмаöсь нин, сійö лöө мортөн, кодöс административнöя мыждывлöмаöсь нин РФ КоАП 20.25 ст. 1 ю. серти, сылөн эм пыр оланін, оланін серти сійöс доньялöны шöркöдя, сійö оз сулав врачьяс нарколог, психиатр дорын учёт вылын, сійö лöө боевöй действиесын участвуйтысьөн, эм боевöй действиесса ветеранлөн статус да служба кузя наградаяс.

А.С. Мишаринöс абу на мыждывлöмаöсь, административнöй кывкутöмö абу кыскывлöмаöсь, сылөн эм пыр оланін, оланін серти сійöс доньялöны шöркöдя, сійö оз сулав врачьяс нарколог, психиатр дорын учёт вылын, сійö лöө боевöй действиесын участвуйтысьөн, эм боевöй действиесса ветеранлөн статус.

Лöмторьясөн, кутшöмьяс кокньöдöны В.С. Колупаевöс мыждöмсö, РФ УК 61 ст. 1 ю. «г, и, к» п., 61 ст. 2 ю. подув вылын, ёрд индö сійöс, мый мыжалөн эм ичöt арлыда кага, мый сійö зіля отсасис восьтыны да туявны мыжсö, мый петкöдчис ёрдöдз мыж вöчан лöмторьяс йылысь показаниеяс сетöмөн, кутшöмьяс зэв тöдчанаöсь делöсö докажитöм вылö, мый мыйкö мында ас кöсйöм серти бергöдіс эмбур серти вöчöм ущербсö, мый артмис мыж вöчигөн, мукöд вöчöмтор, мый отсöгөн вештіс потерпевшöйлы вöчöм лекторсö, мый петкöдчис прöща корöмөн, мый сійö дöзбöритö аслас бать-мам бöрся да сійö, мый ёрдö сюрöмалөн эмöсь хроническöй висьöмьяс.

Лöмторьясөн, кутшöмьяс кокньöдöны А.А. Кетовöс мыждöмсö, РФ УК 61 ст. 1 ю. «и, к» п., 61 ст. 2 ю. подув вылын, ёрд индö сійöс, мый асьсö шуöма мыжаөн, öд ёрдö сюрöма ас кöсйöм серти юöртіс, кор да кызди абу тöдса условиясын вöлі вöчöма мыжсö, мый сійö зіля отсасис восьтыны да туявны мыжсö, мый петкöдчис ёрдöдз мыж вöчан лöмторьяс йылысь показаниеяс сетöмөн, кутшöмьяс зэв тöдчанаöсь делöсö докажитöм вылö, мукöд мыж вöчысьöс эрдöдöм да уголовнöя преследуйтöм вылö, мый

мыйкө мында ас көсйөм серти бергөдiс эмбур серти вөчөм уцербсө, мый артмис мыж вөчигөн, мукөд вөчөмтор, мый отсөгөн вештiс потерпевшөйлы вөчөм лөкторсө, мый петкөдчис прөща корөмөн, сийө, мый ёрдө сюрөмалөн эмөсь хронической висьөмьяс, сылөн эм боевөй действиесын участвуйтысылөн да ветеранлөн статус, а сiдзжө эмөсь наградаяс.

Лоөмторьясөн, кутшөмьяс кокньөдөны А.С. Мишаринөс мыждөмсө, РФ УК 61 ст. 1 ю. «и, к» п., 61 ст. 2 ю. подув вылын, ёрд индө сийөс, мый асьсө шуөма мыжаөн, өд ёрдө сюрөма ас көсйөм серти юөртiс, кор да кызди абу төдса условиясын вөли вөчөма мыжсө, мый сийө зiля отсасис восьтыны да туявны мыжсө, мый петкөдчис ёрдөдз мыж вөчан лоөмторьяс йылысь показаниеяс сетөмөн, кутшөмьяс зэв төдчанаөсь делөсө дожитөм вылө, мукөд мыж вөчысьөс эрдөдөм да уголовнөя преследуйтөм вылө, мый мыйкө мында ас көсйөм серти бергөдiс эмбур серти вөчөм уцербсө, мый артмис мыж вөчигөн, мукөд вөчөмтор, мый отсөгөн вештiс потерпевшөйлы вөчөм лөкторсө, мый петкөдчис прөща корөмөн, ёрдө сюрөмалөн эмөсь хронической висьөмьяс, сылөн эм боевөй действиесын участвуйтысылөн да ветеранлөн статус.

Мукөд лоөмтор, мый кокньөдө В.С. Колупаевөс, А.А. Кетовөс да А.С. Мишаринөс мыждөмсө, индөм вылө подувьяссө ёрдөн абу индөма.

Лоөмторьясөн, кутшөмьяс сьөктөдөны В.С. Колупаевөс мыждөмсө, РФ УК 63 ст. 1 ю. «а» п. подув вылын, ёрд индө вылысь мыж вөчөмсө (РФ УК 18 ст. 1 ю.) сы вөсна, мый ёрдө сюрөма төдөмөн вөчөма сьөкылдун серти шөркодь тшупөда мыжсө сэк, кор сийөс водзжык судитлөмаөсь нин төдөмөн мыж вөчөмысь 2017 во 10.13 лунся да 2019 во 09. 26 лунся приговорьяс серти.

Лоөмторьясөн, кутшөмьяс сьөктөдөны А.А. Кетовөс мыждөмсө, РФ УК 63 ст. 1 ю. «а» п. подув вылын, ёрд индө вылысь мыж вөчөмсө (РФ УК 18 ст. 1 ю.) сы вөсна, мый ёрдө сюрөма төдөмөн вөчөма сьөкылдун серти шөркодь тшупөда мыжсө сэк, кор сийөс водзжык судитлөмаөсь нин төдөмөн мыж вөчөмысь 2015 во 07.23 лунся да 2022 во 01. 25 лунся приговорьяс серти.

Лоөмторийөн, мый сьөктөдө В.С. Колупаевөс, А.А. Кетовөс да А.С. Мишаринөс мыждөмсө, РФ УК 63 ст. 1 ю. «в» п. подув вылын, ёрд индө сийөс, мый мыжсө вөчөма водзвыв сёрнитчөм серти йөзлөн котырөн, сы вөсна, мый ёрдө сюрөмаяс мыж вөчан вөчөмторьяс вөчтөдз сёрнитчисны өтвылысь сийөс вөчөм йылысь да асьсө мыжсө вөчисны кыкөн – А.А. Кетов да А.С. Мишарин.

Кызди лои төдса уголовнөй делөлөн материальясысь, А.А. Кетовлы да А.С. Мишаринлы индөм мыжсө ёрдө сюрөмаяс вөчөмаөсь код юөрөн.

Такөд өттшөтш делөлысь збыльвывса лоөмторьяссө, характерсө да йөзкотырлы өпасносът серти тшупөдсө да мыж вөчигөн ёрдө сюрөмаяслөн код юөрсө төд вылө босьтөмөн, а сiдзжө мыждөмаяс йылысь төдмөгьяссө төд вылө босьтөмөн, ёрд оз адззы подувьяссө, медым лыддыны ёрдө сюрөмаясөс мыждөмсө сьөктөдысь лоөмторийөн код юөрөн мыж вөчөмсө.

Мукөд лоөмтор, мый сьөктөдө В.С. Колупаевөс, А.А. Кетовөс да А.С. Мишаринөс мыждөмсө, индөм вылө подувьяссө ёрдөн абу индөма.

Сийөс төд вылө босьтөмөн, мый эмөсь мыждөмсө сьөктөдысь лоөмторьяс, В.С. Колупаевлы, А.А. Кетовлы да А.С. Мишаринлы мыждөм индигөн РФ УК 62 ст. 1 ю. положениеясөн вөдитчан подувьяссыс абуөсь.

В.С. Колупаевон, А.А. Кетовон да А.С. Мишаринон вочом мыжлон збыльвивса лоомторьясыс, характерыс да йозкотырлы опасносът серти тшуподыс, сійо, мый эмось мыждомсө съөктөдыс лоомторьяс, оз сетны ердлы РФ УК 15 ст. 6 ю. серти вочны мыжлыс категориясө съөкыджык выло вежом йылыс кывкөртөд.

Торья лоомторьясыс, кутшөмьяс төдчымон чинтөны В.С. Колупаевон, А.А. Кетовон да А.С. Мишаринон вочом мыжлыс йозкотырлы опасносът серти тшупөдсө, тайо делө серти абуось, РФ УК 64 ст. вөдитчан подувьясыс абуось.

Өтвылыс вочом мыжлыс характерсө да йозкотырлы опасносът серти тшупөдсө, сійөс вочомын ердө сюрөмаяслон участвуйтан збыльвивса тшупөдсө, мыжлон медшөр могөдз воөдчөм могыс тайо участвуйтөмлыс төдчанлунсө, вочом лекторлон характер да мында выло сылыс төдчөмсө төд выло босьтөмон, сідзжө мыж вочан лоомторьяссө мыжаяслыс личносътсө төд выло босьтөмон, ерд вөчө кывкөртөд сы йылыс, мый мыждөмын медшөр могьясөдз: социальной справедливосът бөр лөсьөдөм, выль мыж вөчөмыс өлөдөм, мыждөмаяслыс олөмсө водзө выло бурлань веськөдөм, вермөны воөдчыны сэк, кор В.С. Колупаевос, А.А. Кетовос да А.С. Мишаринос мыждасны збыльвылыс вөля мырддьөмон.

Делөлыс збыльвивса лоомторьяссө да ердө сюрөмаяс йылыс мыччөдьяссө төд выло босьтөмон ерд лыддьө, мый В.С. Колупаевлы, А.А. Кетовлы да А.С. Мишаринлы РФ УК 73 ст. серти условнөя мыждомсө индыны оз позь сы вөсна, мый тайо случайын мыждомсө оз позь лыддыны стөчөн. Та дырйи збыльвыс вөля мырддьөмон мыждөмыс ердө сюрөмаяслон семьясын олөм выло оз өна төдчы.

Делөлыс збыльвивса лоомторьяссө, ердө сюрөмаяс йылыс мыччөдьяссө, сійөс, мый эмось мыждомсө съөктөдыс лоомторьяс, төд выло босьтөмон ерд воис кывкөртөдө сы йылыс, мый абуось подувьясыс, медым вежны В.С. Колупаевлы. А.А. Кетовлы да А.С. Мишаринлы вөля мырддьөмон мыждомсө принудительной уджьясөн.

Делөлыс збыльвивса лоомторьяссө да В.С. Колупаев да А.А. Кетов йылыс төдмөгьяссө төд выло босьтөмон РФ 68 ст. 3 ю. серти ердө сюрөмаяслы мыждомсө индан подулыс ердлөн абу.

В.С. Колупаевлы, А.А. Кетовлы да А.С. Мишаринлы мыждан мындасө индигөн ерд босьтис төд выло на йылыс мыччөдьяссө, мыждомсө кокньөдыс да съөктөдыс лоомторьяссө, а сідзжө делөлыс збыльвивса лоомторьяссө.

В.С. Колупаевлы да А.А. Кетовлы мыж вештанинон РФ УК 58 ст. 1 ю. «в» пункт серти ерд индө мыж вештан стрөг режима колония сы вөсна, мый ердө сюрөмаяслон вөчөмторьясын эмось выль пөв мыж вөчөмьяс да водзджык нин найө пукавлісны вөля дзескөданіньясын.

Мыж вөчан збыльвивса лоомторьяссө да А.С. Мишарин йылыс мыччөдьяссө төд выло босьтөмон, коді бокө ветлытөм йылыс да колана ногөн асьсө кутөм йылыс подписка улын олөгөн, эз лок ердө корөм серти, бөрийөм мыждан мерасө торкалөмон, сійөс төд выло босьтөмон, мый эмось мыждомсө съөктөдыс лоомторьяс, РФ УК 58 ст. 1 ю. «а» п. серти А.С. Мишаринлы мыж вештанинон ерд индө мыж вештан отувья режима колония.

РФ УПК 97 ст. 2 ю. серти ерд збыльвылас вөля мырддьөмон мыждөм индөмон мыждан приговор олөмө пөртөм могыс, мыжлыс съөкыдлунсө да ердө сюрөмаяслыс

личноһьтсö тöд вылö босьтöмөн, кодьяс медым не веськавны уголовнöй кывкутöм улö вермасны дзессыны ёрдысь, лыддьö коланаөн приговорлөн оланпас серти вынсявтöдз стража улö босьтöмөн В.С. Колупаев, А.А. Кетов да А.С. Мишарин серти бöрийöм öлöдан мерасö кольны вежтöг.

Тайö уголовнöй делö серти мыждöм В.С. Колупаевöс да А.А. Кетовöс стража улö кутан да босьтан периодсö найöс збыльвылас кутöмсянь приговорлөн оланпас серти вынсялан лунöдз колö пыртны мыждöм вештан кадколастö стража улын видзан öти лунсö стрöг режима мыж вештан колонияын вöля мырддьöмөн мыж вештан öти лун пыдди арталöмөн.

Тайö уголовнöй делö серти А.С. Мишаринöс стража улö кутан да босьтан периодсö сийöс збыльвылас кутöмсянь приговорлөн оланпас серти вынсялан лунöдз колö пыртны мыждöм вештан кадколастö стража улын видзан öти лунсö öтув режима мыж вештан колонияын вöля мырддьöмөн мыж вештан лун да джын пыдди арталöмөн.

Ёрдын видлалигөн потерпевшöй О.К. Лаврик индiс ёрдö сюрöмаяслысь мыж вöчöмысь эмбур серти лёктор перйöм йылысь гражданскöй искьяс 18 900 шайт мындаын.

Мыждöм В.С. Колупаев, А.А. Кетов да А.С. Мишарин сöгласитчисны потерпевшöйлөн иск серти корöмьясөн да ёрд следствие дырйи ёрдö сюрöмаяс В.С. Колупаев да А.А. Кетов ас кöсийöм серти мыйкö мында вештiсны потерпевшöйлы вöчöм лёкторсö 1 000 да 5 000 шайт мындаын лöсялöмөн.

РФ гражданскöй кодекслөн 1064 ст. 1 ю. серти, мортлы либö гражданинлөн эмбурлы вöчöм лёкторсö, а сiдзжö торья мортлөн либö юридическöй кывкутысьлөн эмбурлы вöчöм лёкторсö колö вештыны тырвийö лёкторсö вöчысь мортөн.

Сы вöсна, мый В.С. Колупаевлөн, А.А. Кетовлөн да А.С. Мишаринлөн вöчöмторьяс вöсна потерпевшöй О.К. Лавриклы вöчöма эмбур серти лёктор, лёкторсö тырвийö вештöм серти кывкутана могыс лöö ёрдö сюрöмаяс вылын.

Сiдзкö, потерпевшöй О.К. Лавриклысь индöм гражданскöй исксö колö могмöдны мыжөн вöчöм эмбур серти лёкторсö мыйкö мында вештöмсö тöд вылö босьтöмөн.

РФ УК 104.1 ст. 1 ю. «г» п. серти, мыжаөн чайтöмалысь öрудиеяссö, оборудованиесö либö мыж вöчан мукöд средствосö колö мырдөн мынтысьтöг босьтны да бергöдны канму эмбурö мыждан приговор подув вылын.

Лöсялöмөн, В.С. Колупаевлөн «Huawei» маркаа телефон, мыйөн мыждöма вöдитчис индöм мыж вöчигөн, колö мынтысьтöг босьтны да бергöдны канму эмбурö.

Юалöмсö решитигөн, мый водзö лöö уголовнöй делö серти эиторьясысь доказательствоясөн, ёрд шуö со мый.

Видеозаписьөн оптика дисксö да телефон пыр йитчöмьяслысь детализациясö колö видзны уголовнöй делö бердын.

«Redmi» маркаа телефонсö, лöз рöма гачсö, сьöд рöма пальтосö, пемыд рöма сумкасö, куйм пластикöвöй картасö, визитницасö, аккумуляторнöй батареясö, пемыд рöма ботинки парасö, рудов-турунвиж рöма гачсö эмбур серти колö бөр сетны А.А. Кетовлы да А.С. Мишаринлы.

Пу шомсö, марля тампонсö, сьöд рöма гачсö, 1,5 литра йöрыша сулеясö колö бырöдны.

РФ УПК 307-309 ст. вылö мыджсьöмөн, ёрд

шуис:

Василий Сергеевич Колупаевöс шуны мыжаөн **РФ УК 33 ст. 3 ю., 167 ст. 2 ю.** урчитöм мыж вöчöмын да индыны 2 (кык) **вося** кадколаст вылö **вöля мырддьöмөн** мыж вештöм мыж вештан **стрöг** режима колонияын мыжсö вештöмөн.

Приговорлөн оланпас серти вынсявтөдз В.С. Колупаев серти өлөдөн мерасө кольны важног стража улө босьтөмөн.

Вөля мырддьөмөн мыж вештан кадколастсө лыддыны приговорлөн оланпас серти вынсяла н лунсянь.

Мыждөм В.С. Колупаевөс 2022 во 10.19 лунсянь 2023 во 04.17 лунөдз, а сідзжө 2023 во 08.18 лунсянь приговорлөн оланпас серти вынсялан лунөдз периодө стража улын видзан кадсө пыртны мыждан кадколастө стража улын видзан өти лунсө мыж вештан **стрөг** режима колонияын вөля мырддын лун пыдди арталөмөн.

Антон Алексеевич Кетовөс шуны мыжаөн **РФ УК 167 ст. 2 ю.** урчитөм мыж вөчөмын да индыны **1** (өти) **во** да **9** (өкмыс) **төлысь** кадколаст вылө **вөля мырддьөмөн** мыж вештөм мыж вештан **стрөг** режима колонияын мыжсө вештөмөн.

Приговорлөн оланпас серти вынсявтөдз А.А. Кетов серти өлөдөн мерасө кольны важног стража улө босьтөмөн.

Вөля мырддьөмөн мыж вештан кадколастсө лыддыны приговорлөн оланпас серти вынсялан лунсянь.

Мыждөм А.А. Кетовөс 2022 во 10.18 лунсянь 2023 во 04.17 лунөдз, а сідзжө 2023 во 09.12 лунсянь приговорлөн оланпас серти вынсялан лунөдз периодө стража улын видзан кадсө пыртны мыждан кадколастө стража улын видзан өти лунсө мыж вештан **стрөг** режима колонияын вөля мырддын өти лун пыдди арталөмөн.

Артем Сергеевич Мишаринөс шуны мыжаөн **РФ УК 167 ст. 2 ю.** урчитөм мыж вөчөмын да индыны **1** (өти) **во** да **6** (квйт) **төлысь** кадколаст вылө **вөля мырддьөмөн** мыж вештөм мыж вештан **өтув** режима колонияын мыжсө вештөмөн.

Приговорлөн оланпас серти вынсявтөдз А.С. Мишарин серти өлөдөн мерасө кольны важног стража улө босьтөмөн.

Вөля мырддьөмөн мыж вештан кадколастсө лыддыны приговорлөн оланпас серти вынсялан лунсянь.

Мыждөм А.С. Мишаринөс 2022 во 10.18 лунсянь 2023 во 04.17 лунөдз, а сідзжө 2023 во 08.16 лунсянь приговорлөн оланпас серти вынсялан лунөдз периодө стража улын видзан кадсө пыртны мыждан кадколастө стража улын видзан өти лунсө мыж вештан **өтув** режима колонияын вөля мырддын лун да джын пыдди арталөмөн.

Потерпевшөй О.К. Лавриклысь гражданскөй исксө могмөдөн юкөнын, перйыны өткодя В.С. Колупаевлысь, А.А. Кетовлысь да А.С. Мишаринлысь О.К. Лаврик вөсна эмбур серти лекторсө 12 900 шайт мындаын.

Эмторьясысь доказательствояссө:

- «Huawei» маркаа телефонсө, мый видзөны Россияса Сыктывкарын ПДМВ эмторьясысь доказательствояс видзан камераын (2 т., 248-249 д.л.), - босьтны да бергөдны канму эмбурө.

- «Redmi» маркаа телефонсө, лөз рөма гачсө да сьөд рөма пальтосө, кутшөмьясөс видзөны Россияса Сыктывкарын ПДМВ эмторьясысь доказательствояс видзан камераын (2 т., 248-249 д.л.), – эмбур серти бөр сетны А.А. Кетовлы.

- пемыд рөма сумкасө, куим пластикөвөй картасө, визитницасө, аккумуляторнөй батареясө, пемыд рөма ботинки парасө, рудов-турунвиж рөма гачсө, кутшөмьясөс видзөны Россияса Сыктывкарын ПДМВ эмторьясысь доказательствояс видзан камераын (2 т., 248-249 д.л.), – эмбур серти бөр сетны А.С. Мишаринлы.

- видеозаписьөн оптика дисксө, телефон пыр йитчөмьяслысь детализациясө, кутшөмьясөс видзөны уголовнөй делө бердын (2 т., 246 д.л., 4 т., 140 д.л.) - видзны уголовнөй делө бердын.

- пу шомсө, марля тампонсө да сьөд рөма гачсө, кутшөмьясөс видзөны уголовнөй делө бердын (2 т., 246 д.л.), – бырөдны.

- 1,5 литра йөрыша сулеясө, мый видзөны Россияса Сыктывкарын ПДМВ эмторьясысь доказательствояс видзан камераын (2 т., 248-249 д.л.), – бырөдны.

Ёрд видлалöмын участвуйтысьяс вермöны обжалуйтны приговорсö апелляцияннöй пöрадокын Коми Республикаса Медвылыс Ёрдлөн Уголовнöй делöяс серти ёрд коллегияын Коми Республикаын Сыктывкарлөн карса ёрд пыр сийöс юöртан лунсянь 15 сутки чöжөн, а стража улын лобысь мыждöмаяслы – приговор копия босьтан лунсянь сийö жö кадколастö.

Сэк, кор сетöма апелляцияннöй норасьöм, мыждöма вермö ходатайствуйтны апелляцияннöй инстанцияса ёрдөн делöсö видлалöмын аслас участвуйтöм йылысь приговор копия босьтöмсянь сийö жö 15 лунся кадколастö, мый йылысь сылы колö индыны аслас апелляцияннöй норасьöмын либö апелляцияннöй представление вылö паньд кывъясын, та дырйи апелляцияннöй инстанцияса ёрдын мыждöмалөн участвуйтанног йылысь юалöмсö, сы лыдын видеоконференц-связь отсöгөн, разьö ёрд.

Веськöдлысь

А.В. Родионов

Перевод выполнил переводчик:

_____ /Габова Е.И. _____

дата

_____ /Паршукова А.А.. _____

дата